

„ეტიუდების“ წინამდებარე ტომი დიდი ქართველი მეცნიერის კორნელი კეკელიძის შრომათა დამამთავრებელი კრებულია. მასში მირითადად მოთავსებულია ცალკეულ საკითხებზე დაწერილი სამეცნიერო ხასიათის შრომები, რომელთა ნაწილი პირველად ქვეყნდება. დაცულია ისინი მეცნიერის პირად არქივში ან მის ბიბლიოთეკაში.

ავტორის მიერ ნაბეჭდ შრომებში შეტანილი ყოველგვარი შესწორება გათვალისწინებულია ამ გამოცემაში.

რედაქტორი ლ. მენაბდე

თბილისის უნივერსიტეტის გამომცემლობა

1986 წელი

გადილ ზარზებელი, ცხოვრება სერაპიონ ზარზებელისა**

ზოგადი ცეობა თხზულების შესახებ

I

„ცხოვრება“ სერაპიონ ზარზებელისა, რომელიც ასლა მეორედ
იბეჭდება, აღმოაჩინა და პირველად გამოსცა დამსახურებულმა მკვლე-

* გამომცემლის მიერ ნაბეჭდ ტექსტში შეტანილი შესწორებანი:

გვ. 57-ე სტრ. მე-6: „გხედავ ოქვენ“... სტრ. მე-11: „სიყვარულითა მისითა ნა-
ირლ-გვლების“ ჩასმულია ფანქრით მრგვალ კავებში (). ასევე იმავე გვერდზე
მე-15 სტრ.: „რამეთუ ქრისტის-თვს არიან“..., მე-16 სტრ.: „მისთა მოწამეთა-თვს“.
აგრეთვე: მე-17 სტრ.: „რამეთუ უფალსა ჟნებავს დამკვდრებად“... 24-ე სტრ.: „ამის-
თვის საყუარელნო“. სტრ. 29-ე: „რომელნი ესე“... გვ. 58-ე სტრ.: „ჩუენ შორის,
რამეთუ“.. იმავე გვ. 27-ე სტრ.: „რომლისათვსცა ღლეს კუალად“... გვ. 62-ე სტრ.
30: „მისთა მძლავრებასა შეურაცხ პყოფენ!“ მე-60 გვ. ძველმ არშიაზე ფანქრით მი-
წერილია: „სახელები ამოლებულია ეპიფან[ელ]ან მხოლოდ სხვა რიგით და ოდ-
ნავ განსხვავებით განმარტებაში. ეპიფანეს აქვს ერთი მეტი სახელი „წყარო“
(გვ. 78-ე). ფანქრით, მრგვალ კავებში () ჩასმულია: 25-ე: „რამათუ გა-
ქუნდა შენცა“... სტრ. 37-ე: „სარწმუნოებისა შენისა მისა მიმართ“. ამ სტრიქო-
ნების მარცხნა არშიაზე ფანქრით მიწერილია: „ეს ჩამატებული ჩანს“ (ს. ყ.).

** პირველად დაიბეჭდა კ. კ. წიგნში: აღრინდელი ფეოდალური ქართული ლი-
ტერატურა, 1935, გვ. 99 — 143.

ვარმა მ. ჯანაშვილმა (იხ. მისი „ქართული მწერლობა“, II, ტფილისი, 1909 წ.). ამ თხზულებას ჩვენამდე მოუღწევია ერთადერთი, უნიკალური ხელნაწერი (სექართული). მუხეუმისა, ფონდი საკელ. № 69), რომელიც ხელისა და ფილიგრანის (გრძელლერობასი სამყურა ბალახი, რომელსაც აქეთ-იქით M და 3-ს მსგავსი ასოები აქვს) მიხედვით, უფრო მეთექვსმეტე საუკუნისაა, ვიდრე მეჩვიდმეტისა (მ. ჯანაშვილი) და, მორ უმეტეს. მეცამეტისა (თ. კორდანია). ხელნაწერი (30X20 სანტ.) გადაწერილია თეთრსა და სქელ ქალალდზე ე. წ. ნუსხახუცურით, მასში სულ 548 გვერდია: 1—478 გვერდებზე მოთავსებულია ფილოსოფოსის ოანე პეტრიწის მიერ თარგმნილი და კომენტირებული თხზულება პროკლე ლიადოხოსისა „კავშირნი ღმრთის-მეტყუელებითნი“, ხოლო 479—548 გვერდები, ორსვეტად დაწერილი (თითოზე 22 სტრიქონი), უკავია ბასილ ზარზმელის შრომას. ეს შრომა, მ. ჯანაშვილის გამოცემის შემდეგ, მეცნიერული კალეგა-ძიების საგნად გახდა,¹ ის ცნობილი ორიენტალისტის P. Peeters-ს მიერ ლათინურადაც კი ითარგმნა² და ამით მეცნიერთა უფრო ფართო წრეებისათვის შეიქმნა ხელმისაწვდომი.

სამწუხაროდ, მეცნიერებაში ეს ძეგლი ვერ შევიდა იმ სახით, როგორც მას ღირებულებას შეშენის: მ. ჯანაშვილმა ის ისე დაბეჭდა, როგორც ხელნაწერშია შემონახული (იმ ნებისით თუ უნდღლივი შეცდომების თანდართვით, რომელიც მოსალოდნელია ყოველ გამოცემაში), ხელნაწერი კი ძალიან დაზიანებული და წარყვნილია: საკისრისია აღინიშნოს ამთავად, რომ ხელნაწერის არქეტიპში, აქედან კი თვით მასში და მ. ჯანაშვილის გამოცემაშიაც, მოთხრობის თანმიმდევრობა, ქვატერნიონების აღრევის მიზეზით, დარღვეული ყოფილა, რის გამო ა) „გაგრძელება სიტყვებისა „ნაკლულევანებისა სრულყოფად“ (გვ. 32,¹⁷ ჯანაშვ. გამოც.) ჩვენ გვაქვს 38,²³ — 41,¹⁷ გვერდებზე („განვებულებით რამეთუ აპა ესერა მიეგებნეს... პირველ დაწყებულთა სიტყუათა შემდგომითი შემდგომად“); ბ) 41,²⁷-ის გაგრძელება იყითხება 32,¹⁸ — 38,²² გვერდებზე („და ვითარცა იქმნა დაწყნარებაა...“).

¹ იხ. პროფ. ი. ჯავახიშვილი, ქველი ქართული საისტორიო მწერლობა, გამოც. I, გვ. 61—72; გამოც. II, გვ. 111—124; პროფ ე. თაყაიშვილი, უცნაშვინები ზარზმის ეკლესიისა და მის სიძველეთა შესახებ, ტფალ. უნივერსიტ. მთამბე, I, 105—124; კ. კეკელიძე, ქართული ლიტერატურის ისტორია, I, 145 — 148; ს. კაკაბაძე, საისტორიო ძიგბაზი, გვ. 54.

² Histoires monastiques Géorgiennes, გვ. 159-ს 07, Bruxelles, 1923 (Extrait des Analecta Bollandiana, XXXVI—XXXVII); იხ. უცნაშვ. „მიმომხილვა“ (1,277—9) და გამოცემის შესახებ ჩემ რეცეპტი რომელსაც ხდა უნდა დავუმათო, რომ P. Peeters-ს ძეგლის სტყვები „ბასილი, მაცენტი სერაპონისა“ ურარგმნა ასე: Basilius, Serapionis sororis filius (გვ. 205, 11-12).

განეცუნეს კარნი და შევიღეს „წმიდად“); გ) გაგრძელება 38,²²-ისა გვაქვს 41,²⁷ გვერდზე („ეკლესიად და აღვიდეს საკურთხეველად“)³. შეიძლება ეს გარემოებაც იყოს ერთ-ერთი მიზეზი აზრთა და შეხედულებათა იმ სხვადასხვაობისა, რომელიც ამ ტეგლის შესახებ ჩვენს სამეცნიერო ლიტერატურაში არსებობს და რომელიც გადახედვას თხოულობს.

ვფიქრობთ, ყველაფერი, რაც ითქვა, საქმაო საბუთს იძლევა იმის-თვის, რომ ეს მნიშვნელოვანი ტეგლი ძეგლი ძეგლი ქართული ფეოდალური ლიტერატურისა გამოცემულ იქნეს ხელმეორედ და კრიტიკულად, რა-მდენადაც კრიტიკული მისი გამოცემა შესაძლებელია ერთადერთი მხოლოდ, ისიც წარყვნილი, ხელნაწერის არსებობის პირობებში.

II

რომელობის სრაპიონ ზარიელის „ცხოვრისა“

სერაპიონ ზარზმელის „ცხოვრება“, რომელიც ერთ-ერთი თვალსაჩინო წარმომადგენელია ძეგლი ქართული ფეოდალური ლიტერატურის პაგიოგრაფიულ-თხრობითი უანრისა, შეიცავს საყურადღებო ცნობებს სამცხეს სამონასტრო-სამოქალაქო კოლონიზაციისა და იდრინდელი ქართული ფეოდალიზმის ისტორიისათვის. გამოყენება ამ ტეგლისა ისტორიულ-ლიტერატურული კვლევა-ძეგლის მიზნებისათვის გულისხმობს მასში მოხსენებული პირებისა და ფაქტების ქრონოლოგიურ ლოკალიზაციას. საკმარისია მოვიგონოთ, რომ ამ პირებსა და ფაქტებს ჩვენს სამეცნიერო ლიტერატურაში ათავსებენ მთელი ოთხი საუკუნის მანძილზე, დაწყებული მეექვსე საუკუნის ნახევრიდან, — შიო მლეიმელის დროიდან (მ. ჯანაშვილი), — და გათავებული მეათე საუკუნის ნახევარით (ივ. ჯავახიშვილი). აიხსნება ეს იმით, რომ თანამდებარი არავითარი ქრონოლოგიური ცნობა არ არის და მის მიერ ღმძრული საკითხების გადაწყვეტის ლამობენ ისეთი შემთხვევითი სასიათის მონაცემით, როგორიცაა „პავლეს ქორონიკონი“ ზარზმის ფერისცვლების ხატზე, რომელიც, როგორც დავინახავთ, თვითონ თხოულობს გადასინჯვას.

ამ მიმართულებითა და ხაზით გარკვევას თხოულობს: მაწყვერელობა გიორგი შუარტყელელისა და მასთან დაკავშირებით გრიგოლ ხანძთელის „ცხოვრებაში“ მოხსენებული ეფრემ ღიდისა, მოღვაწეობა მიქელ პარეხელისა, მისვლა მასთან სერაპიონისა, აშენება ზარზმისა სერაპიონის მიერ და გარდაცვალება მისი, მამასახლისობა სერაპიონის

³ ა. ე. ი. ალექსა, აგრეთვე სხვა მრავალი უხამსობა ხელნაწერისა, პირველად P. Peeters-მა შენიშვნა და შეძლებრივდავარად კადევაც შეაწორა თავის თარგმაში.

მომდევნო წინამდლვრებისა, განსაკუთრებით პავლესი, ფერისცვალების ხატის ქორონიკონთან დაკავშირებით, მისვლა ზარზმაში ბასილისა, დასაწყისი მისი მამასახლისობისა და დაწერა მისი შრომისა.

აღნიშნულ საკითხთა გარკვევისას გამოსავალ წერტილად უნდა აღებულ იქნეს ეფრემ დიდისა და გიორგი მაწყვერელის ეპოქა, ხოლო ამ ეპოქის გათვალისწინება შეუძლებელია, თუ წინასწარ გადაჭრილი ორ იქნება რამდენიმე საკითხი კურაპალატის აშოტ დიდის შესახებ.

III

აშოტ დიდი კურაპალატი

საკითხი აშოტ დიდის შესახებ ჩვენს ისტორიოგრაფიაში ჯერ სათანადოდ დამუშავებული არაა, ჩვენ ისიც კი არ ვიცით დანამდგილებით — როდის გახდა ის ერისმთავრად ქართლისა, როდის გადასახლდა, არაბთა იძულებით, კლარჯეთში და როდის გარდაიცვალა. აიხსნება ეს გარემოება იმით, რომ ე. წ. „სუმბატის ქრონიკას“ ეს ამბები, გარდა სიკვდილისა, იმდენად ზოგადად აქვს აღნიშნული, რომ აქედან ბევრს ვერას გამოიტანს მკვლევარი; თან ეს ქრონიკა არც სანდოდჩანს ყოველთვის, სხვათა შორის იმითაც, რომ აშოტის „სახლად“ ის თბილისა და ზარდავსა თვლის (ქართ. ცხოვრება, მარიამ დელოფლის ვარიანტი, გვ. 342; ქვემოთ, სადაც ნაჩვენებია ქართ. ცხოვრ., ეს ვარიანტია ნაგულისხმევი), თუმცა ცნობილია, რომ ამ დროს თბილისი და ბარდავი არაბთა ამირების საჭდოში იყო. მეორე ქრონიკას, რომელისაც „მატიანე ქართლისაა“-ს უწოდებენ, მართალია, რაღაც ნაგლეჯები ისტორიული გადმოცემისა შემოუნახავს, მაგრამ ყველაფერი ისეა არეული ერთმანეთში, რომ ზუსტი ქრონოლოგიური დასკვნებისათვის მისი გამოყენება საძნელოა. საკმარისია მოვიგონოთ, რომ აშოტის მთავრობას ის უკავშირებს მასლამას საბერძნეთში შესვლას (717 — 718 წწ.), თაილისის ამირას ალი შუაბის ძეს ხან მისი მთავრობის დასაწყისში უჩვენებს (გვ. 219), ხან ხალიდ იაზიდის ძის შემოსვლის შემდეგ (გვ. 220); ამასთან დაკავშირებით აშოტის ბრძოლა კახეთის მთავრის გრიგოლის წინააღმდეგ ხან ალი შუაბის დროსაა დადებული (გვ. 219), ხან მის გაამირებამდე (გვ. 220). ამით მე იმისი თქმა არ მინდა, რომ აღნიშნული საკითხების გამორკვევა შეუძლებელი იყოს საზოგადოდ; მეცხრე საუკუნის საქართველოს ამბების (მათ შორის აშოტისაც) დაახლოებითი, ყოველ შემთხვევაში, გათვალისწინება მოსახერხებელია

არაბული და სომხური წყაროების გამოყენებით და მათი ქართულ წყაროებთან შეჯრებით⁴.

დავიწყოთ აშოტის გარდაცვალების წლის ძიებით. აქ თითქოს საძიებელი არაფერია, ვინაიდან სუმბატის ქრონიკაში გადაჭრით და ქატე-გორიულადაა ონიშნული: „მოკლა ესე აშოტ კურაპალატი დასაბამი-თვან წელთა ხულ, ქორონიკონსა მეათცამეტედ მოქცეულსა შინა მვ“ (ქართლ. ცხოვრ., 345), ესე იგი 826 წელს. უნდა გვახსოვდეს, რომ ამ თარიღის პირელწყარო დასახელებული ქრონიკაა, აქედან გადასულა ის შემდეგ სხვა წყაროებში. წინასწარ შეიძლება ითქვას, რომ შეეძლებელია ამ ქრონიკაში (გინდ თუ მის წყაროში), რომელიც დამძიმებულია თავბრუდამსხმელი ციფრებით და სახელებით, ყველაფერი ჰუსტად და უცვლელად შენახულიყო; პირელ ყოვლისა ეს შეეხება აშოტის გარდაცვალების წელს. ამას მეუღვნებს ცდა „ქორონიკონის“ მონაცემი გამაგრებულ იქნეს „დასაბამითგან“ წელთაღრიცხვით, რასაც მხოლოდ აშოტის შემთხვევაში აქვს ადგილი. მაგრამ დამაფიქრებელი ისაა, რომ „დასაბამითგან“ წელი, „ქართლის ცხოვრების“ დარიანტებში სხვადასხვანაირია: მარიამისაში ხულ, ვატანგისა და ბარათაშვილისაში ხტლდ, თეიმურაზისა და რუმიანცევისაში ხყლ, შეგრელისაში კოლ; ზოგი ანგორიშობს ქრისტემდე 5604 წელს, ზოგი 5508-ს, მაგრამ ყოველთვის 826 არ გამოდის, თან ბარათაშვილის ვარიანტი „ქრისტეს ძეათ“-აც უჩვენებს — ყა (801). აქ რომ ყველაფერი რიგზე არაა, ამას შემდეგი გარემოებაც გვითვალისწინებს:

1) „მატანე ქართლისახ“ აშოტის სიკვდილსა სდებს ხალიდ იაჩიდის ძის პირველი შემოსვლის შემდეგ. როდესაც მან „დაიპყრა სომხეთი, ქართლი და პერეთი“ (ქართ. ცხ., 220). ხალიდ იაზიდის ძის სომხეთში პირველი შემოსვლა კი, სომხურ-არაბული წყაროების მიხედვით, მომსახურა 829 წელს (M a r q u a r t, გვ. 409—410), მაშასადამე. ამაზე აღრე ვერც აშოტის გარდაცვალებას ექნებოდა ადგილი.

2) „მატანე ქართლისახ“ აშოტის დროს თბილისის ამირად ალი შუაბის ძეს ასახელებს (ქართ. ცხ., 219—220), ალი შუაბის ძე კი თბილისის ამირად დაუყენებია ხალიდ იაზიდის ძეს, მისი პირველი უმოსვლის შემდეგ, მაშასადამე, არა უადრეს 829 წლისა, — თბილისის ამირად ის 829 — 830 წლებში ჩანს (M a r q u a r t, გვ. 410). ასე რომ, ამაზე აღრე არც აშოტის სიკვდილია საგულვებელი.

3) ვრიგოლ ხანძთელის „ცხოვრებაში“ გამომოცემულია, რომ დია-ფონმა ცქირმა, რომელიც იყო „ტფილის აღზრდილი საპაკა ამირისა,

⁴ ცნობები ამ წყაროებიდან საკმაო სისრულით შემოქრებილია განსვენებ. პროფ. J. Marquart-ის შრომაში — Osteuropäische und ostasiatische Streifzüge, Leipzig, 1903; სადაც ჩვენ დასახელებული გვარს Marquart-ი, ეს თხზულებაა ნაგულისხმევი.

რამაელის ძისაგან, და მოციქულად მავალი აშოტ კურაპალატსა წინა-შე“, იხილა რა „ანჩისა ეპისკოპოსი გარდაცვალებული“, „საპაკ ამი-რისა მიერ მოითხოვა ანჩისა საყდარი აშოტ კურაპალატისაგან“ და „მძღვრებითა დაიპყრა“ იგი (გვ. დვ). საექლესიო კრებამ ცქირი და-ამხო, ეპისკოპოსობა მიუღო, ასე რომ, მას „ლონე ყოველი დაელია და ტფილისს წარვიდა საპაკ ამირისა, პატრონისა თვესისავე, და წყინები-თა მისითა რეცა მიეშუა კურაპალატი, და კუალად მძღვრებით დაი-პყრო ანჩის საყდარი“ (გვ. დც). ჩვენი ისტორიულობი აქ ანაქრონიზ-მსა და შეცდომას ხედავენ, რადგნაც, ამბობენ ისინი, აშოტი 825 წელს გარდაიცვალა, საპაკ ისმაილის ძე კი თბილისის ამირად ხალიფა ვასიყის (არა უადრეს 842 წ.) დროს ჩანს; შეუძლებელია, საპაკ ისმაი-ლის ძეს აშოტ კურაპალატისათვის მოციქულები ეგზავნა. მაშასადამე, აქ ან ამირის სახელია არეული, ან კურაპალატისა (ი ვ. ჭ ა ვ ა ხ ი - უ ვ ი ლ ი, ძველი ქართული საისტორიო მწერლობა, გვ. 60, გამ. 1; თ. ლ ო მ ო უ რ ი, სუმბატ დავითის ძე და გიორგი მერჩული ბაგრატო-ნიათა შესახებ, კრებული „არილი“, გვ. 55—56). ეს ასე არ არის, არა-ბული წყაროების დახმარებით შესაძლებელია სრული რეაბილიტაცია გიორგი მერჩულისა, როგორც ისტორიულისა. საპაკ ისმაილის ძე თბილისის ამირად გვეკლინება გაცილებით ადრე, კიდრე ხალიფა ვასიყის დროა. საპაკ ისმაილის ძე „ატ ტიფლიზი“, როგორც გამგე გუ-რჩანისა (ქართლისა), ჯერ კიდევ ხალიფა ალ-მამუნის დროს ჩანს, მას ამირობა მიუღია მისი ბიძის, ალი შუაბის ძის (829 — 830) შემდეგ; მა-მუნის უკანასკნელ წლებში, როდესაც სომხეთში ამირადაა ალ ჰასან ბენ ალი, თბილისში ამირად საპაკ ისმაილის ძეა. ის თბილისის ამი-რადა ხალიფა მუტასიმის დროსაც 839 — 840 წლებში, ჩება ის თბი-ლისის ამირად ალ-ვასიყის დროსაც 853 წლამდე, როდესაც ბუღა თურ-ქემა ბოლო მოუღო მას. ასე რომ, საპაკ ისმაილის ძემ თბილისის ამი-რად ოც წელზე მეტი (830 — 853) დაყო, როგორც დამოუკიდებელმა თითქმის მმართველმა მისმა (M a r q u a r t, გვ. 410, 422, 460, 461). მაშასადამე, ესეც მაჩვენებელია იმისა, რომ აშოტი ყოველ შემთხვე-ვაში საპაკ ისმაილის ძის ამირობის დასწყის წლებში ჯერ კიდევ ცო-ცხალია. საპაკ ისმაილის ძე იმდენად ძლიერი იყო, რომ ვასიყის დრო მდეც ის თთქმის დამოუკიდებლად გრძნობდა თავს ხალიფასაგან, ის შიშის ზარსა სცემდა მთელს კავკასიას, რადგანაც, ისტორიულის მასუდის ცნობით, მან დაიმორჩილა ყველა მახლობელი ერები (M a r - q u a r t, გვ. 422-3). ეჭვი არ არის, აშოტი გახდა მსხვერპლი საპაკის მძღვრობისა, რომელსაც იმდენად დაბეჭავებული ჰყოლია ის, რომ მისი სურვილის წინააღმდეგ ანჩის საეპისკოპოსო კათედრიდან არასა-სურველი კანდიდატიც კი ვერ მოუშორებია.

ამრიგად, გამოდის რომ 830 წელზე იდრე, როდესაც საპაკი თბი-

ლისის ამირად ხდება, აშოტის სიკვდილი საგულვებელი არაა, 840 წელზე გვიან ის კურაპალატად საფიქრებელი არ შეიძლება იყოს, ვინაიდან 841—842 წლებში მისი შვილი ბაგრატი ჩანს კურაპალატად.

ყველა ამ მოსაზრებათა გამო შეიძლება ითქვას, რომ სუმბატის ქრონიკის მე-ში წარკვნილი და შეცვლილია ათეულის მაჩვენებელი ასო, მ-ს მაგირ იქ საფიქრებელია 6. ასე რომ, აშოტის გარდაცვალების წლად უნდა იქნეს მიჩნეული არა მე ქორონიკონი, არამედ ნც, ესე იგი 836 წელი⁵.

მემატიანე გადმოგვცემს, რომ მამის სიკვდილის შემდეგ აშოტის შვილებს „სარკინზთა“ (იგულისხმება საპაკ ისმაილის ძე) „წარუღეს გარეთ ჭუეყანა“, ესე იგი კლარჯეთის გარეთ მდებარე სამკვიდრებელი მათი, ქართლი, „რამეთუ იყვნეს ისინი უსრულ ასაკითა... და იზრდებოდეს ციხესა შინა არტანუჯისასა. ხოლო რაჟამს სრულ ასაკ იქმნეს იგინი, კუალადვე მისცა ღმერთმან მათვე ყოველივე იგი ნაქონები მამისა მათისა“ (ქართ. ცხ., 345-6). ბაგრატის სამოქმედო ასპარეზზე გამოსვლას პირველად 841—842 წლებში ვხედავთ, როდესაც ის არაბთა სარდალ მოპედთან ერთად ებრძეოს უზურპატორს საპაკ ისმაილის ძეს და სამაგიროდ სარდლისაგან ღებულობს „ნაქონებსა მამისა მისისასა“ — ქართლს (ქართ. ცხ., 220). ამის მიხედვით, მისი სრულწლოვანება და კურაპალატად გახდომა უნდა ღაიდოს არა უადრეს 840 წლისა. ამიტომაცაა, რომ გრიგოლ ხანძთელი, მისი ბიოგრაფიის გადმოცემით, მაშინვე, აშოტის გარდაცვალებისთანავე, კი არ ულოცავს მის შეიღლს კურაპალატობას, არამედ რამდენიმე ხნის შემდეგ. „მას ყამსა“, ამბობს ბიოგრაფი, „ბაგრატ კურაპალატმან ნებითა ღმრთისათა და ნებითა ძმათა თვისთათა და ბრძანებითა ბერძნენთა მეფისათა მიიღო კურაპალატობა ნაცვლად აშოტ კურაპალატისა, მამისა

5 თუ 826 წელს თვით სუმბატის ქრონიკის კუთვნილებად მივიჩნევთ, მაშინ შეიძლება ასეთი სკოთხი დაისვას: სუმბატის წყაროს, ტაო-კლარჯეთის ბაგრატიონთა საგარეულო მატანებს (ივ. ჭავახ იშვილი, ძეველი ქართული სასტორიო შეტრლობა, ვგ. 136, გამოც. I), რომელიც, უცველია, სარეგბლობდა სომებს ბაგრატიონთა მემატიანის. შაპუჟ ბაგრატინის, თხზულებით, რომ არ არევა ჩევრი აშოტი სომეხთა აშოტ მსაკრთან, რომელიც, სომხური წყაროებით, ახლო ნათესავი ყოფილა ჩევრი აშოტისა და 826 წელს გარდაიცვალა (Marquart. გვ. 452—453)?

აშოტ კურაპალატი რომ 836 წელს გარდაიცვალა, ეს მოსაზრება გაიჩიარა აკა. ე. თაყაშვილმაც; „ქორონიკონის ციფრებში, — ამბობს ის, — გადამწერისეული შეცდომმა უნდა იყოს, სახელდობრ, რომორც მართებულად შენიშვნას კ. კეგლი იძე, მ-ს მაგირ 6 უნდა ყოფილიყო. თუ ასე აღვა დგენო, გამოგვიყა, რომ აშოტ დაიდა გარდაცვალა 63 ქორონიკონს, ე. ი. 836 წელს. კ. კეგლიძას აზრი უკრო ახლოა შეშმარიტებასთან, ვიდრე ყველა უწინ გამოთქმული დებულება (სუმბატ დავითის ძის ქრონიკა ტაო-კლარჯეთის ბაგრატიონთა შესახებ, გამოცემა მესამე, 1949 წ., გვ. 74).

თვისისა... ხოლო ნეტარი მამად გრიგოლ მიიწია წინაშე დიდებულისა ბაგრატ კურაპალატისა და ჯერისებრ შესხმად კურაპალატობისად მიულოცა” (გვ. ქც). ეს გარემოებაც უნდა ადასტურებდეს ჩვენ მიერ დადგენილ თარიღს აშოტის გარდაცვალებისას, ვინაიდან ბაგრატის ხანგრძლივი მცირეწლოვანება, 826 წლიდან 841 წლიმდე, საისტორიო მოთხოვნათა მიხედვით საგულვებელი არა.

უფრო ნაკლებადა ცნობილი და გარკვეული დრო აშოტის მიერ, არაბთა იძულებით, ქართლის მიტოვებისა და კლარჯეთში გადასახლებისა. ჩვეულებრივ, როგორც მემატიანეთ, ისე მკვლევარებს, ყოველ შემთხვევაში 790 წლიდან ის კლარჯეთში ეგულვებათ. ასეთი თარიღი მკვეთრად წარმოდგენილია თ. ლომოურის მიერ, რომელიც ამბობს: აშოტის შავშეთ-კლარჯეთში დამკვიდრება უნდა მომხდარიყო მერვე საუკუნის უკანასკნელ მეოთხედში, — სწორედ იმ დროს დაიწყო თავისი მოღვაწეობა გრიგოლ ხანძთელმა (სუმბატ დავითის ძე და გიორგი მერჩული ბაგრატინიანთა შესახებ, არილი, გვ. 48—49). ამრიგად, თუ აშოტის შავშეთ-კლარჯეთში დამკვიდრებას გრიგოლ ხანძთელის ამ ქვეყანაში მოღვაწეობის დასაწყისს დაგუკავშირებთ, მაშინ ეს თარიღი უფრო წინ უნდა იქნეს გადაწეული, რადგანაც გრიგოლი კლარჯეთში ჩნდება არა უკვიანეს 781 წლის დასასრულისა. ასე რომ, თუ 790 წლამდე არა, ამ წლიდან მაინც აშოტი, თ. ლომოურის ანგარიშითაც, შავშეთ-კლარჯეთშია საგულვებელი. მაგრამ ეს შეუძლებელი და დაუშევებელია. საქმე ისაა, რომ აშოტის ქართლში „განდიდება“, მემატიანის ცნობით, გამოწვეული იყო იმით, რომ იმ დროს „მოუძლურებულ იყვნენ სარკინოზნი“ (ქართ. ცხოვ. 219). განა შესაძლებელია ლაპარაკი სარკინოზთა „მოუძლურების“ შესახებ მერვე საუკუნის უკანასკნელ მეხუთედში, ხალიფა ჰარუნ ალ-რაშიდის დროს (786 — 809), რომელმაც ხალიფატი განდიდების და ძლიერების უმაღლეს საფეხურზე აიყვანა? ასეთი მოუძლურება დაიწყო ხალიფატში ჰარუნის სიკვდილის შემდეგ (809 წ.), როგორც შედეგი მის შვილებს შორის ამტკიცარი შეხლა-შემოხლისა მემკვიდრეობის ნიადაგზე. ალ-ამინის დროს (809—813) და ალ-მამუნის ხალიფობის პირველს ნა-

ეს შეიძლება გამოანგარიშებულ იქნეს „აბო თბილელის მარტვილობისა“ და „გრიგოლ ხანძთელის ცხოვების“ მიხედვით. გრიგოლი „სახლსა შინა სამეუფლაა დიდისა ნერსე ერისთვისასა აღზრდილ იყო კელითა კეთილადმსახურისა დედოფლისა ნერსეს ცოლისათა, რომელსაცა ეშვილა, რამეთუ იყოცა ძმის წული მისი“ (გვ. ბ. ნ. მარის გამოცემა), ნერსეს ოდანიდან მისი წასვლა კლარჯეთს უდაბნოში უნდა მომხადარიყო მშენ, როდესაც ნერსე იძულებული გახდა თავისი ოჯახი აფხაზეთში გადახეხინა და თვითონ თავი ხანგრძლივავდა შეეფარებია. ესე იგი — როდესაც მისი ოჯახი დროებით დაშალა. როდის მოხდა ეს? აბოს მარტვილობის მონაცემთა მიხედვით ეს უნდა მომხდარიყო 781 წლის ნახევარში,


ხევარში, სანამ ის აღმოსავლეთიდან, მერვიდან, ბაღდაღში გადავიდოდა (813—820 წწ.), ხალიფატში ნამდვილი ანარქია იყო გამჭერებული და ამან გამოიწვია ის „დაუძლურება“, რომლის შესახებ ჩვენი მემატიანე ლაპარაკობს და რომლის შედეგებით აშოტ კურაპალატსაც უსარგებლნია ჯერ კიდევ კლარჯეთში გადასახლებამდე. საქმე ისაა, რომ ამ საერთო „დასუსტებას“ თავი უჩენია თბილისის ამირატშიაც, იქმდე, რომ აშოტ კურაპალატი ადვილად ამარცხებს თბილისის ამირა (Marguari—ის აზრით — მუჰამედ ბენ ატტაბს, გვ. 409), რომელსაც გვერდში უდგანან კახეთის მთავარი გრიგოლი და მთიულენარქი. ეს გამარჯვება, რომლის შედეგი იყო აშოტის საბრძანებლის გაფართოება კლარჯეთში (ქართ. ცხ., 219), მოხდა კლარჯეთში გადასახლებამდე, ვინაიდან თუოდოსი, რომელიც აშოტს ეხმარებოდა ამ შემთხვევაში, აფხაზეთის მეფედ მხოლოდ 818 წლამდე ჩანს, აშოტი კი 820 წელსაც ქართლშია, როგორც ესა ჩანს სომები ისტორიკოსის ვარდანის ცნობიდან: როდესაც მიხეილმა ბიზანტიის კეისარი ლეონ V მოკლა, მაშასადამე — 820 წელს, აშოტ კურაპალატი კლარჯეთში კი არა, არამედ „კლარჯეთიდან თბილისამდე ბატონობდა“ (Marguari, გვ. 405)⁷. მაგრამ აშოტის „განდიდება“ და ბატონობა ქართლში არ გამომდგარა მაინცადამაინც ხანგრძლივი; ხალიფა აღმანუნის მტრებსა და მეტოქეებზე გამარჯვებისა და ბაღდაღში დამკვიდრების შემდეგ „გაძლიერდა ქელმწიფება იგარიანთა“ სახოგადოდ ყველგან და კერძოდ კავკასიაშიც, ამიტომ „იწყეს ძიება აშოტ კურაპალატისა, ვერ უძლო წინააღმდეგომად მათდა და იცლოდა მათგან და წარემართა, რათა წარვიდეს სახერძნეთად“ (ქართ. ცხ., 342).

ამრიგად, აშოტის კლარჯეთში გადასახლებას აღიღილი ჰქონდა არა უადრეს 820 წლისა, ის მოხდა დაახლოებით 820 — 825 წლებში და არა მერვე საუკუნის უკანასკნელ მეტუთედში. ამ მოსაზრებას აღასტურებს შემდეგი გარემოებაც. მემატიანე გადმოგვცეს, რომ, როდესაც აშოტი კლარჯეთში გაიქცა, „თანაპიყვეს მას ორნი ძენი, ასაკითა ჩჩივილნი, უხუცესი აღარნასე და ბაგრატ, ხოლო უმრწემესი ქე გუარაშე ჩერეთ არა ესუა“ (ქართ. ცხ., 342); „შემდგომად აშოტის სიკვდილისა, მამისა მათისა, რომელ გარეთ ქუეყანა ჰქონდა, წარუდეს სარკინოზთა, რამეთუ იყვნეს ისინი უსრულ ასაკითა... და ვიღრე უსრულ იყვნეს ისინი ასაკითა, იზრდებოდეს ციხესა შინა არტანუჯისასა. ხოლო რაუამს სრულ ასაკ იქმნეს იგინი, კუალადვე მისცა ღმერთმან მათვე ყო-

⁷ Marguari-ის აზრითაც ეს გამარჯვება მომდარა ჯერ კლარჯეთში გადასახლებამდე, მხოლოდ 829 წლის მახლობლად (გვ. 409—410); ეს წელი, ვფიქრობ, დაგვიანებულია, ვინაიდან, როგორც აღვნიშვნე, აშოტის დამხმარე თეოდოსი აფხაზეთის მეფედ მხოლოდ 818 წლამდე ჩანს.

ველივე იგი ნაქონები მამისა მათისა” (ქართ. ცხ., 345-6). ოთვორტუ უხედავთ, აშოტის გარდაცვალებისას, 836 წელს, მისი უფროსი შვილებიც კი შერ მცირეწლოვანნი ყოფილან. აქედან, არამც თუ უფრო ადრე, მერვე საუკუნის გასულსაც რომ გადასახლებულიყო აშოტი ქართლიდან, 836 წელს მისი უფროსი შვილები 36 წლისა მაინც იქნებოდნენ და მემატიანე ვერ იტყოდა, რომ ისინი მამის გარდაცვალებისას მცირეწლოვანნი და ასაკითა უსრულინი იყვნენ; ამას ვერ იტყოდა რს ვერც იმ შემთხვევაში, თუ აშოტის სიკვდილს, თანახმად ქრონიკას, 826 წელს დავდებთ, ვინაიდან ამ წელს ისინი, მეტის თუ არა, 26 წლის მაინც იქნებოდნენ. და თუ ის ამას ამბობს, უნდა ვიფიქროთ, ისინი დაბადებულიან 820 წლის მახლობლად, არა უადრეს ამ წლისა. სწორედ ამ შემთხვევაში მამის კლარჯეთში გადასახლებისას ისინი „ჩჩკლნი“ იქნებოდნენ, მამის სიკვდილისას — „ასაკითა უსრულინი“, ხოლო 840—1 წლებში — „სრულ ასაკ ქმნულინი“. ყველაფერი ეს და-უინებით გვიყარნახებს ხელი აგილოთ როგორც ტრადიციულ შეხედულებაზე აშოტის კლარჯეთში გადასახლების შესახებ, ისე Marquar t-iს უკიძურესობაზე, რომელიც ამ გადასახლებას აღ-მამუნის უკანასკნელს, 833 წელს აკუთვნებს (გვ. 410).

ახლა აშოტის ქართლში ერისმთავრობის შესახებ. უმეტესი ნაწილი ჩვენი ისტორიკოსებისა აშოტის ქართლში ერისმთავრობას, თანახმად, ვახუშტი ბატონიშვილისა, 786 წლიდან იწყებს. მაგრამ ამ წელს, როგორც აბო თბილელის მარტვილობიდან ჩანს, ქართლის ერისმთავრად ყოფილა სტეფანოზ, იე გურგენისი, რომელსაც წინ უსწრებდა მისი ბიძა (დედის ძმა) ნერსე (772—781 წწ.). ჩვენი მემატიანენი (სუმბატის ქრონიკა, ქართლ. ცხოვრების ვარიანტები, ვახუშტი), რომელიც ნერსესა და სტეფანოზს ნიშანდობლივ არ ასახელებენ, ამ ხანაში სულ სხვა პირებს უჩვენებენ. გარკვეული დროიდან მათი სქემა ასეთია: სტეფანოზ, გურამ, ვარაზ ბაქურ და



ამ სქემაში, რასაკვირველია, გენეალოგიურ სიზუსტეზე ზედმეტია ლაპარაკი, სახელები კი, საფიქრებელია, რალაც სინამდვილის გამოძახილის შემცველია. თუ ნერსედ ჩვენ მივიღებთ აბი თბილელის „მარტვილობის“ ნერსეს, ხოლო სტეფანოზად მის დისშვილს, აბის „მარტვილობის“ სტეფანოზს, რომელიც 786 წელს ჩანს ერისმთავრად, მაშინ ასეთს ჩიხში შევალთ; 786 წლიდან ერისმთავრობს (ტრადიციით) აშოტი, როდისლა ერისმთავრობდა სტეფანოზი? ვთქვათ, 786 წლისათვის ის გარდაიცვალა, როდის ერისმთავრობდა ძმა მისი აღარნასე, მაგა აშოტისა (თავი რომ დავანებოთ ფილიპესა და გურგენს, რომელნიც, შეიძლება, არც ყოფილან ერისმთავრად)? ამისათვის ყოველ შემთხვევაში ადგილი აღარ რჩება ისტორიაში. აი ეს გარემოებაც გვეუბნება, რომ მიღებული ქრონილოგია აშოტის ქართლში გაერისმთავრებისა სწორი არაა, ის უნდა წინ წამოიწოს, და საკმაოდ საგრძნობლადაც. თუ მხედველობაში გვექნება ის გარემოება, რომ აშოტის ქართლში „განდიდების“ დრო ხვდება, როგორც ზემოთ იყო ნათქვამი, ხალიფატში ჰარუნ ალ-რაშიდის შვილთა შორის ატეხილი უთანხმოების ხანას, მისი ქართლის ერისმთავრად დადგენაც ამ ხანაზე აღრე საფიქრებელი არაა; ეს დადგენა უნდა მომხდარიყო, როგორც M a r q u a r t-i ციქრიბს (გვ. 405). ალ-მამუნის ხალიფობის პირველს პერიოდში (820 წლამდე), ან, უკეთ, იმ არეულობის დროს, რომელსაც ადგილი ჰქონდა ალ-ამინისა და ალ-მამუნის დროს (810—813 წწ.). საფიქრებელია, რომ აშოტის გაერისმთავრება და მისი გაძლიერება ალ-მამუნის ინტერესების წინააღმდეგ მიმართული, იყო საქმე მამუნის მოწინააღმდეგე პარტიისა. ამით აისხება, რომ, გაიმარჯვა თუ არა საბოლოოდ ალ-მამუნმა თავის მოწინააღმდეგებზე, მან გაილაშქრა უკანასკნელთა კლიენტების წინააღმდეგ, კერძოდ აშოტის წინააღმდეგაც, რომელიც მან აიძულა მიეტოვების ქართლი და საბერძნეთისაკენ⁹ გაქცეულიყო. რომ ეს ასეა, ამას ადასტურებს სომხეთის ისტორიკოსის ვარდანის ცნობაც, რომ ალნიშნული არევ-დარევის დროს სომხეთმა თავისუფლად ამისიუნთქა, ხოლო ჩვენმა აშოტმა, რომელიც მას სომეხთა ბაგრატიონებისაგან გამოჰყავს, ისმაიტელთა მთავრისაგან მიიღო ქვეყანა იბერიისათ (M a r q u a r t, გვ. 404, 412).

ასე და ამრიგად, აშოტ დიდი ქართლის ერისმთავრად ხდება დაახლოებით 810 წელს, შავშეთ-კლარჯეთში გადადის 820—825 წლებში, კვდება 836 წელს, ხოლო მისი შვილი ბაგრატი კურაპალატობას ღებულობს 840—41 წლებში. ასეთია, ქართულ-სომხურ-არაბული წყა-

⁹ სუმბატის ქრონიკის „საბერძნეთად“ (გვ. 342) ამ შემთხვევაში შესაძლებელია კივარულდოთ არა საბერძნეთი ნამდვილად, არმედ კლარჯეთი, რომელიც იმუაზად საბერძნეთს კაუცვნდა და რომელშიაც ამიტომ „განემტკიცა მეფობა აშოტისა ეგბითა ბერძნთა მეფისათა“ (გვ. 343).

როგორის შეჯრების შემდეგ, დაახლოვებითი ქრონოლოგია აშოტ კუ-
რამალატისა. ამის ნიადაგზე ხელა გაადვილებულია საქმე ეფრემ დი-
ლისა და გიორგი მაწყვერელის ეპოქის გარევევისა და გათვალისწინე-
ბისა.

855 წ. იხტემ სამართლის და სამართლის მიერ მიმდინარე.

IV უკავშირი - ვიზუალური ფო

855 წ. იხტემ

ეცრებ დილისა და გიორგი მაწყვერელის ეპოქა

ცნობები ეფრემ დილის შესახებ მოცემულია გრიგოლ ხანძთელის „ცხოვრებაში“, ხოლო გიორგი მაწყვერელზე ლაპარაკობს სერაპიონ ზარზმელის „ცხოვრება“. ამ თხზულებათა მიხედვით ჩვენ შევიძლია დაგვასკვნათ, ე. თაყაიშვილ თან ერთად (შენიშვნები ზარზმისა და მის სიძეველეთა შესახებ, ტფილ. უნივერ. მოამბე, I, 111), რომ გიორგი იყო უშუალო მექვიდრე ეფრემისა აწყურის კათედრაზე. ეფრემი ბავშვობიდანვე აღზრდილა ხანძთის მონასტერში იმ პირთან ერთად, რომელიც ისტორიაში ცნობილია ქართლის კათალიკოსის არსენ დილის სახელით. იმ წელს, როდესაც გარდაიცვალა აშოტ დილი კურაპალატი (მაშასადამე, 836 წ.), გრიგოლ ხანძთელის მოწაფეებს, თეოდორესა და ქრისტეფორეს, მოწესის ტანისამოსით შეუმოსავთ დიდი აზნაურის მირეანის უმცროსი შვილი და სახელად არსენი უწოდებიათ. არსენი ამ დროს „მცირც იყო უამითა, ვითარ ექსისა წლი-საა“ (გვ. კბ), მაშასადამე, დაბადებულა ის 830 წელს. „ხოლო წმიდად ეფრემ იყო დღითა უხუცეს“ (გვ. კვ), ესე იგი — უფროსი იყო არსენ-ზე, მაგრამ ისიც იმდენად პატარა ყოფილა [„ჩჩკლი“, „ერთი მცირე-თავანი“, „ყრმაა“, „სძიო ალსაზრდელი“, გვ. კე-კც], რომ ხანძთის ბერებს გრიგოლისათვის სასტიკი პროტესტი განუცხადებიათ და უთ-ქვამთ; „გარეშე წესისა არს“ პატარა ბავშვების მოყვანა მონასტერ-ში¹⁰. ამისდა მიხედვით, ეფრემი იმ დროს შეიძლება ყოფილიყო არა უმეტეს ათი წლისა, მაშასადამე, უნდა დაბადებულიყო დაახლოე-ბით 825 წელს. როდესაც ეფრემი „განჭაბუკებელ“ იქნა (გვ. ლე), ის გრიგოლმა დაუთმო თავის მოწაფეს თეოდორეს, რომელმაც წაი-

¹⁰ პართალია, მონასტერში წამოყვანილი ეფრემის შესახებ აგტორი ამბობს, რომ ის იყო „ყრმა, ჟაბუკი ღირსიო“ (გვ. კბ), მაგრამ სიტყვა „ჟაბუკი“ ამ შემთხვევაში აღნიშვნას არა იმსა, ვისაც რუსულად, მაგლოთად, იუნიშა ეწოდება (ელ-ტემის „განჭაბუკებაზე“, რომელიც მას ხელს არ უშლიდა მონასტერში ეცხოვარა, სხვა აღგილასაა სცეციალურად ლაპარაკი (გვ. ლე), არამედ პატარა ბავშვის. საქმე ისაა, რომ ბიბლიაში, მაგალითად, ახლადაბადებულს ესაკასა და იაკობს „ჟაბუკი“ ეწოდებათ: „აღორძნეს ჟაბუკი ნომ“ („выросли дети“, — რუსული ბიბლია) ნაფევამია იქ (შესაქ. 25, 27).

ყვანა ის სამცხეს და დაამკვიდრა მის მიერ აშენებულ ნეძვის მონასტერში (გვ. ლ⁸). უკვე, სამცხეში, ეფრემმა დაიკავა შემდეგ აწყურის პათედრა. როდის მოხდა ეს, პირდაპირი ცნობები ამის შესახებ არ მოგვმოვდა, მაგრამ შეგვიძლია ვთქვათ, რომ არა უძღვეს 855 წლისა. საქმე ისაა, რომ საეკლესიო კანონებით, რომელთაც ეფრემი თავგამოდებით იცავდა არსენის ცნობილი ინციდენტის დროს და, რომელთაც ამიტომ, საფიქრებელია, ის ვერ უღალატებდა, ეპისკოპოსად დადგენის კანონიკურ ასაკად იმ ხანებში 30 წელი (825+30=855) ითვლებოდა (Правила прав. церкви с толкованиями Никодима Далматинско-Истрийского, I, 484—486; 35 წელი, განმტკიცებული შემდეგ დამუშავებული ფოტის ნომკანონით, საქართველოში სანქციაჟმნილია რუსი-ურბნისის კრებაზე მხოლოდ). „ეს ნეტარი ეფრემ ორმეოც წელ ეპისკოპოსობდა“ (გვ. მთ), „ეპისკოპოსობასა შინა მიიწია მოხუცებულებასა კეთილსა“ (გვ. კბ) და „კეთილსა შინა სიბერესა მაღლითა სავსე გარდაცვალა“ (გვ. ნ). ამგვარად, ეფრემი, თუ ის 855 წელს დაიდგინა ეპისკოპოსად და 40 წელს ეპისკოპოსობდა, გარდაცვლილა 895 წელს. ამ ქრისტოლოგისა მხარს უჭერს შემდეგი ცნობაც. „დიდი ეფრემ,“ ნათქვამია გრიგოლის „ცხოვრებაში“, „მრავლისა კეთილისა მომატყუუბელ ექმნა ქუეყანასა ჩუენსა, რამეთუ პირველად აღმოსავალისა კათალიკოსთა მიპრონი იერუსალემით მოჰყვანდა, ხოლო ეფრემ ქრისტის-მიერითა ბრძანებითა მიპრონისა კურთხევად ქართლს განაწესა იერუსალემის პატრიარქისა განწესებითა და წამებითა“ (გვ. მთ). ამ საქმეში ეფრემს შველოდნენ ბერები მიქაელი და არსენი, რომელთაც, როგორც ერთ-ერთს აღაშენია აღნიშნული, იერუსალიმის პატრიარქის სერგის ნებართვით იერუსალემიდან გაღმოიტანეს მცხეთას მირონის კურთხევა (Н. Марр, Исторический очерк грузин. церкви с древнейших времен, Церковь. Ведомости, 1907, № 3, прилож., стр. 126). სერგის პატრიარქობას უჩვენებენ 851—867 წლებში, მაშასადამე, ის მართლაც თანამედროვეა ეფრემ მაწყვერელისა. ეფრემს თანამედროვე პატრიარქის სერგის წინაშე წამოუყენებია მირონის საკითხი, რომელსაც ამ დროს ქართლისათვის უაღრესი მნიშვნელობა ჰქონდა¹¹.

¹¹ ამგვარი საეკლესიათაშორისო საქმეების წარმოება კათალიკოსის კომპენტეციაში შედიოდა ხოლმე და არა რომელმე ეპარქიალური მღვდელმთავრისა, თუ გინდ მაწყვერელისა; ამიტომ, თუ ამ საქმეს ეფრემ მაწყვერელი აწარმოებს, ან კათალიკოსის მინდობილობით, ანდა როგორც საფიქრებელი მოაღილე იმ დროს გარდაცვლილი კათალიკოსისა. მართლაც, იმავე ხანებში მომხდარა არსენ დაღის ძალდატანებით დაღენა კათალიკოსად; სასტივი პროტესტი ეფრემისა ამის წინა-დღმედე ხომ არ იყო შედეგი ავრეთვე იმისაც, რომ ეფრემს, როგორც კათალიკოსის მოადგილეს, თავისი კანდიდატურა ჰქონდა მხედველობაში?

ამრიგად, 895 წლამდე მაწყვერელად ზის ეფუძნებოდა, ხოლო 895 წლიდან გიორგი შუარტყლელი. გორგის მაწყვერელად გახდომის თარიღთან დაკავშირებით სერაპიონ ზარზელის ცხოვრებისა და მოლვაშეობის ქრონოლოგია შემდეგნაირად წარმოგვიდგება.

გიორგი შუარტყლელი, ჯერ კიდევ ეპისკოპოსობამდე, ოპიზის მონასტრიდან, სადაც ის ბერად იყო შემდგარი, აღის მიქელ პარეხელთან და აქ გაიცნობს სერაპიონს (ცხოვრ. სერაპ. ჯანაშ. გამ. 27 — 28); ეს ნაცნობობა მეგობრობად ქცეულა და არ შეწყვეტილა სერაპიონის სიკვდილამდე (გვ. 35). ასე რომ, გიორგი უშუალო მოწმე იყო სერაპიონის მოღვაწეობისა, „მას ეხილვნეს სასწაული და საქმენი სერაპიონისი პირველ ებისკოპოსობისა და უკუნაასუნელ“ (გვ. 41). ოთხი წლით იდრე, ვითრე გიორგი მაწყვერელად დაიდგინებოდა, მაშასადამე, 891 წელს, გარდაცვალებულის ფეოდალის გიორგი ჩორჩანელის სამფლობელოში მექმევიდრეობითი საკითხის ნიადაგზე ტრაგედია დატრიალებულა: გიორგის დისტვილს ლაქლაქს მოუკლავს თავისი დის ქმრი, რამაც სამცხეში ნამდვილი ანარქია გამოიწვია (გვ. 41). ეს ანარქია შვიდ წელიწადს გრძელდებოდა და ჩაქრა ის გიორგის მეტყალინებით მისი მაწყვერელობის მესამე წელს, ესე იგი 898 წელს; ამ დროს „დიდსავე თანა გიორგი მაწყუშერელსა იყო ნეტარიცა მამა სერაპიონ“ (გვ. 41), მაშასადამე — 898 წელს სერაპიონი ჯერ კიდევ ცოცხალია. ის მის შემდეგაც არ მომვერარა უმაღლ, არამედ რამდენსმე ხანს კიდევ განაერებდა თავის მონასტერს; ეს ხანს ჰაგიოგრაფის შემდეგი სიტყვებიდან: „და ვითარუცა იქმნა დაწყნარება შფოთთა მათ, დღითიდლე შეეძინებოდა წარმატებამ მონასტერსა მას და ძმაცემა მისი (სერაპიონის) იონე ზედას სზედა მოვალნ და იყუროხევინ მის მიერ და ისწავლინ ყოველსა, რადცა აყლდა მის მიერ შენებულსა მას მონასტერსა“ (გვ. 37). ასე რომ, სერაპიონის გარდაცვალება უნდა მეცხრე საუკუნის მიწურულში, არა უადრიეს 900 წლისა, დაიდოს.

როდის ჩაუყარა სერაპიონმა საფუძველი ზარზმა? ამის გასარკვევად შეიძლება გამოყენებულ იქნეს ერთი დეტალი მისი „ცხოვრებისა“. ჰაგიოგრაფი გადმოგვცემს, რომ, როდესაც სერაპიონმა დაასრულა ზარზმის ძველი ტაძრის შენება, ის გაიწვია თავისთან მისმა მოძღვარმა მიქელ პარეხელმა, რათა „ზედმიწევნით ცნას, თუ ვითარი იქმნა შენებად ზეცით-უწყებულისა მის ადგილისად“ (გვ. 28). სერაპიონი წავიდა, რამდენიმე ხანი დაყო მიქელთან და, უკან გამობრუნებულმა, შეუხვია ოპიზის მონასტერში, სადაც იმ დროს მიდიოდა რაღაც გაცხარებული მუშაობა. „ვითარუცა იყო წმიდად იგი მდაბალ და აღუზვავებელ“, ამბობს ჰაგიოგრაფი, „ტებილითა და დაშნითა ქელითა იხილვებოდა მდგომარედ ხუროთა თანა საეკლესიოთა, რამეთუ იყო სხუათავე თანა სათხოებათა მეცნიერ სჯულთა საეკლესიოთა

[შენებისათა] და ფრიად შემკულ წესითა ხუროთხუცობისადთა“ (გვ. 30); ეს ადგილი, რომელსაც ხელნაწერში რაღაც დაწვრილებითი, დღეს სამწუხაროდ დაკარგული, მოთხრობა უძლოდა წინ, დამახინჯებულად ჩანს, მაგრამ როგორც უნდა იყოს, ცხადია, რომ აქ ლაპარაკია ოპიზის შენებაზე, ან. უკეთ ვთქვათ, მის გადაკეთებაზე, მეორედ შენებაზე. როდის მოხდა ოპიზის მეორედ შენება? ამის შესახებ ორი სხვადასხვა ცნობა შენახულია. ერთი ცნობით, რომელიც მემატიანეს შემოუნახავს, ოპიზის მეორედ მაშენებელი გვარამ მამფალია (გარდ. 883 წ.). „მო- უდა გუარამ, ეგ აშოტისი“, ნათქვამია იქ, „და დამარხეს ოპიზის, მე- ორედ მისგან აღშენებულსა“ (ქართ. ცხოვრ. გვ. 225). მეორე ცნობით კი, რომელიც ოვით ოპიზის კედლის მხატვრობაზე შემონახულა, მის მეორედ მაშენებლად აშოტ კურაპალატია დასახელებული; იქ წარწე- რილია: „აშოტ კურაპალატი, მეორედ მაშენებელი ოპიზისად და წმი- დისა ამის საყდრისად“ (H. M a r p, Тексты и разыскания, VII, стр. 160). ძნელი დასაჯერებელია, რომ აქ იგულისხმებოდეს აშოტ დიდი კურაპალატი (+836), რადგანაც არც მატიანიდან, არც სხვა დოკუმენ- ტებიდან, არც გრიგოლ ხანძთელის „ცხოვრებიდან“, სადაც ამის შე- სახებ რაიმე ცნობა უთუოდ დარჩებოდა, ის ეკლესია-მონასტრების, დურძოდ ოპიზის, მაშენებლად ცნობილი არაა. ვერ ვიგულისხმებთ აქ ვერც აშოტ კუხს (გარდ. 918), რადგანაც, ჭერ ერთი— ის „ერისთავთ ერისთავადაა“ ცნობილი და არა კურაპალატად, მეორე—თუ ჩვენამდე მოაღწია ცნობამ მის მიერ ტბეთის მონასტრისა და ხანძთის ახალი ექ- ლების აშენების შესახებ, ხატომ უნდა დაკარგულიყო ასეთივე ცნო- ბა ოპიზის შესახებ? ვერ ვიგულისხმებთ, დასასრულ, ოპიზის მეო- რედ მაშენებლად ვერც იმ აშოტ კურაპალატს (გარდ. 954), რომლის დროს გრიგოლ ხანძთელის „ცხოვრება“ დაწერილა, ვინაიდან მშე- ნებლად არც ისა ცნობილი, და რომ ასეთი რამ მომხდარიყო მის დროს და მის მიერ, ალბათ ამას გიორგი მერჩულიც აღნიშნავდა. ამრიგად, და- სხელებული წარწერა, რომელიც ნ. მარის ცნობით თამარ მეფის დროისაა. წარმოადგენს ყალბ ინტერპრეტაციას. საქმე ისაა, რომ ოპიზის სატრაპეზოში სამხრეთის კამარის ქვაზე ამოჭრილი ყოფილა თვით სატრაპეზოს აშენების დროინდელი შემდეგი წარწერა: „ესე მე აშოტმან დ წელსა გავა[შენებინე <კეთებინე]“. თამარის დროის მომხატველებს ამ ლაპიდარული ძეგლის აშოტი, რომლის სახელთან არავითარი ტიტული არაა აღნიშნული, მიუღიათ დიდ აშოტ კურაპა- ლატად და ასეთი გაიგივების ნიაღაგზე შესაფერისი წარწერაც გაუ- კეთებიათ. ამრიგად, ოპიზის მეორედ მაშენებლად უნდა გვარამ მამ- ფალი იქნება ცნობილი, თანახმად მატიანისა, მით უმეტეს, რომ გარდა იმისა, რომ ის ოპიზში დაიმარხა, მისი კტიტორული მზრუნველობა ოპიზისათვის დამოწმებულია ბაგრატ მეოთხის ცნობილს სიგელში.

საიდანაც ჩანს, რომ გვარამს ოპიზისათვის შეუწირავს „ტყენი და ზღვატნი“, რომელთაც მას მიჯნაძორელნი ედავებოდნენ (საქართველოს სიძველენი, II, 2—5): უკველია, სიტყვები ამ სიგელისა — „პირველთა მეფეთა მაშენებელთა“, — გულისხმობს გვარამის მიერ ოპიზის მეორედ აშენებასაც. მაში ვინ უნდა იყოს ლაპიდარული ძეგლის აშოტი, რომელსაც ოთხი წლის განმავლობაში სატრაპეზო აუშენებია? მე ვფიქრობ. რომ ეს აშოტი არის ძე გვარამ მამფლისა, აშოტ მამფალი (გარდ. 869). ჩანს, მამასთან ერთად ოპიზის მეორედ აშენებაში მონაწილეობას ღებულობდა შვილიც, ამიტომ „მშენებლად“ ცნობილი გამხდარან როგორც მამა, გვარამი (მატიანეში), ისე შვილი, აშოტი (ლაპიდარულ ძეგლში)¹². ამრიგად, ოპიზის მეორედ შენება 869 წლისათვის, როდესაც აშოტ მამფალი გარდაიცვალა, უკვე დამთავრებულადა საგულვებელი; ეს შენება, როგორც ლაპიდარული ძეგლიდანაა საფიქრებელი, ოთხ წელიწადს მაინც გაგრძელებულა. ასე რომ, მას ადგილი ჰქონია დაახლოებით 864—868 წლებში, რა დროსაც უნდა მიგადავთ ვნოთ ოპიზაში სერაპიონის გამოვლა. რადგანაც სერაპიონის ოპიზაში გამოვლისას ზარზმა უკვე დამთავრებული იყო, ხოლო მისი შენება, როგორც თხზულებაშია ნაჩვენები, სამს წელიწადს დამთავრებულა (გვ. 26), ამიტომ მისი საფუძვლის ჩაყრას 860 წელს ვერ გადომოვაცილებთ. ასე რომ, ზარზმა სერაპიონის აუშენებია დაახლოვებით 861—868 წლებში.

ამ თარიოამდე მიგვიყვანს ჩვენ მიქელ პარეხელის ღროის მიმოხილვაც. მიქელი, რომლის შესახებ ლაპარაკი გრიგოლ ხანძთელის „ცხოვრებაშიც“ არის, ყოფილა შეგირდი, მოწაფე გრიგოლისა, ამიტომაცაა, რომ ამ თხზულებაში გრიგოლს ეწოდება „მოძღუარი“, „სულიერად მოძღუარი“ მიქელისა (გვ. ლც). ზედმეტია ლაპარაკი იმის შესახებ, რომ გრიგოლისა და სერაპიონის „ცხოვრებაში“ მოხსენებული მიქელ პარეხელი ერთიდაიგივე პირია (ამის შესახებ იხ. ე. თაყაიშვილი, შენიშვნები ზარზმის შესახებ, უნივერ. მოამბე, I, 113), საჭიროა აქ შეჩერება თხზულების შემდეგ სიტყვებზე: „ხოლო ეს სიტყუად მამათა მიერ მოვალს ჩუენდა, რამეთუ მიქელ იყო

¹² დოც. ნ. ბერძენიშვილის ჰიპოთეზით „მეორედ აშენება“ შეიძლება ტექნიური ტერმინი იყოს და რამდენ ჯერმე განახლებასაც გულისხმობდეს. ასე რომ, ამ გაეგით, აშოტ კურაპალატსაც შეეძლო ოპიზის „მეორედ აშენება“ და გვარამსაც (საქართ. მუზეუმის მოამბე, VI, 285). ეს ასეც რომ იყოს (თუმცა აშოტ კურაპალატის მიერ განახლებულ ოპიზას რად დაჭირდებოდა ასე მალე, გვარამის ღროს, ხელმეორედ განახლება!), წემი მოსაზრება მაინც ძალაში დარჩება: სერაპიონი, ყოველ შემთხვევაში, აშოტ კურაპალატის მიერ ოპიზის „მეორედ აშენებლობის“ მოწმე და თანამეტროვე ვერ იქნებოდა და მის ღროს ოპიზის „მეორედ მაშენებლად“ მაინც გვარამი დარჩებოდა.

აღმაშენებელი, სასწაულთა და ნიშთა მოქმედი მაღალთა და დილთად, რომელი იყო მოწაფე დიდისა შიომხის საკურველთმოქმედისახ, რომელი, ვითარცა მთიები განთიადისად, ბრწყინვიდა ქუეყანასა ქართლისასა“ (გვ. 5). მიქელ პარეხელი (IXს.) შიო მოვიმელის (VIIს.) მოწაფე ვერასგზით ვერ იქნებოდა, სხვა შიო კი, საკვირველთმოქმედი, რომელიც „ვითარცა მთიები განთიადისად, ბრწყინვიდა ქუეყანასა ქართლისასა“, ჩვენ არ ვიცით. ამიტომ, თუ ამ ადგილს ბასილ ზარზელს მივაუთვენებდით, შეიძლებოდა გვეუქმრა, რომ მის შემომაში „შიოს“ ნაცვლად ციითხებოდა სხელი „გრიგოლ“, რომელიც ნუსხა-ხუცურად ქარაგმით დაწერილი („გლისი“ ან „გილისი“), შემდეგი ღრო-ის უმეცარი გადამშერის თვალსა და ხელში „შიოდ“ ქცეულა. მაგ-არ საქმე ისაა, რომ ამ ადგილს მიკუთვნება ბასილისათვის შეუძლე-ბელია: ყოვლად წარმოუდგენელია, რომ მიქელ პარეხელის უშუალო მოწაფეებს, სერაპიონსა და გიორგი მაწყვერელს, რომელიც (ყოველ შემთხვევაში უკანასკნელი მაინც) ჯასილს ფაქტობრივ ცნობებს აწვდი-დნენ, არ სცოდნიდათ, რომ მიქელი მოწაფე იყო არა შიოსი, არამედ გრიგოლისა; გარდა ამისა, ბასილს ხელთ ჰქონია თვით „ცხოვრება“ მიქელისა, დაწერილი მისი მოწაფეების მიერ (გვ. 6) არაუდრეს 40—50 წლისა ბასილის მამასახლისობამდე, ამიტომ გაუვებარი იქნებოდა მან გან თქმა იმისა, რომ ახეთი ცნობა „მამათა მიერ მოვალს ჩუენდაო“: აქეთი გამოთქმა, რომელიც გულისხმობს ზეპირი გადამოცემით მიღე-ბულს რამდენიმე საუკუნოვან ამბავს, შეეძლო შეეტანა თხზულებაში მის გადამკეთებელს, მეტაფრასტს. ამ გადამკებაში ის კი უქნახულა, რომ მიქელის საკვირველთმოქმედი მოძღვარი „ვითარცა მთიები ბრწყინვიდა ქუეყანასა ქართლისასა“, მაგრამ ის კი წარყვენილა—თუ რა ერქვა ამ მოძღვარს. ამოწერილი სიტყვების უაღგილობასა და შემდეგ ჩამატებულობას ამჟღვნებს სხვა მოსაზრებაც. ბასილი ამბობს: მი-ჭელმა „ა ღ ა შ ე ნ ა მ ც ი რ ე ე გ უ ტ ე რ ი და შესაკრებელი ძმათა ად-გილსა... რომელსა პარეს უწოდიან“. როგორ შეეძლო მას უშუალოდ ამ სიტყვების შემდეგ ეთქვა: „ესე სიტყუად მამათა მიერ მოვალს წუენდა, რამეთუ მიქელ იყო აღ მა შ ე ნ ე ბ ე ლ ი“? ეს მიქელი, გიორგი მერჩულის ცნობით, თავდაბირველად მოღვაწეობდა მინა-ძორში, იქიდან ხანძთას მისულა გრიგოლთან, ხოლო გრიგოლიდან პარეს დამკვიდრებულა (გვ. ლზ—ლპ); ბასილის ცნობით კი ის პა-რეს თბიზიდან მისულა. აქ ჩვენ საქმე გვაქვს სამონასტრო ტრადი-ციის ორ სხვადასხვა ვერსიასთან, რომელთაგან ბასილის ვერსია სიმა-რთლის შემცველია: ბასილის წყაროს, გიორგი მაწყვერელს, რომე-ლიც თბიზიდან მოღვაწეობდა და მიქელთან დაახლოებული იყო, არ შეეძლო ამ შემთხვევაში ჰქონიატება არ სცოდნიდა. ყოველ შე-მთხვევაში, ეს ორი ვერსია კი არ ეწინააღმდეგება, არამედ აკსებს:

მიქელს მოღვაწეობა დაუწყია ოპიზის, აქედან გადასულა მიძნა-
ორის, უკანასკნელიდან ხანძთას, ხანძთიდან კი პარებს. თუ ბასილს
არ მოუსცენებია მიქელის მიმდინარესა და ხანძთას ყოფნა, იმიტომ ალ-
ბათ, რომ აღნიშვნულს სავანეებში მიქელს შედარებით მცირე დრო და-
უყვია.

თხელების მოთხოვნიდან ჩანს, რომ მიქელი გარდაცვლილა მალე
მას შემდეგ, რაც ის სერაპონში ინახულა, არა უგვიანეს მე-9 საუკუ-
ნი სამოცავი წლების გასულისა.

როდის უნდა მისულიყო მიქელი ხანძთას გრიგოლთან? გრიგოლის
„ცხოვრების“ მიხედვით მიქელი ხანძთას მისულა მას შემდეგ, რაც
„ბაგრატ კურაპალატმან ნებითა ღმრთისათა და წებითა ძმათა თვისთა-
მთა და ბრძანებითა ბერძნენთა მეფისათა მიიღო კურაპალატობად,
ნაცვლად ცხოტ კურაპალატისა, მამისა თვისისა“ (გვ. კტ). ბაგრატის
აურაპალატმა, როგორც გარკვეულია ზემოთ, 840 წელზე აღრე არაა
საფიქრებელი, მაშასადამე, მიქელი ხანძთის მონასტერში მისულა 840
წლის მახლობლად.

ეჭ მიქელი დიდხანს არ დარჩენილა; ის გრიგოლის „განზრახვითა
დაეჭირდა ბერთისა პარეხთა“, სადაც „მრავალთა წელიწადთა ცხონ-
და“ (გვ. ლტ). მიქელმა გააშენა და კეთილმოაწყო პარეხი, შემოიკიბ-
ნა მოწიფენი და, როდესაც ის გახდა უკვე „დიდი“ და „ყოვლად გან-
თქმული“ (სერაპ. ცხორ. 5—6), მასთან მიღის სერაპიონი თავისი მცი-
რეწლოვანი ძმით ითანეთი და მოღვაწეობას იწყებს. ამისდა მიხედ-
ვით, სერაპიონის სამონასტრო მოღვაწეობის დასაწყისი 850 წელზე
აღრე არაა საგულვებელი. სერაპიონმა და ითანემ „აღასრულეს
უამი მრავალი წინაშე მისსა“ (გვ. 6) და ამის შემდეგ სერაპიონი მიღის,
მიქელის ბრძანებით, სამცხეს მონასტრის გასაშენებლად. ეს „უამი
მრავალი“ ყოველ შემთხვევაში ათს წელზე ნაკლები არ შეიძლება
ყოფილიყო, მით უმეტეს, რომ სერაპიონის მცირეწლოვანი ძმა, რო-
მელიც მონასტერში მოსვლისას ჯერ სულ ბავშვი იყო, ამ ხნის განმა-
ვლობაში მიქელმა „აღზარდა და სრულებად სათნოებისა აღიყვანა“,
(გვ. 6), ესე იგი — სრულწლოვანი შეიქნა უკვე. ასე რომ, ამ გამოან-
გარიშებითაც სერაპიონს ზარზმის შენება უნდა დაწყო არა უადრეს
860 წლისა. იღეთ უნდა ვიქონიოთ, რომ, თუ ოდესმე აღმოჩნდა „ცხო-
ვრება“ მიქელ პარეხელისა, რომელიც „შემდგომად სიკუდილისა მისი-
სა აღწერეს მოწაფეთა მითა“, ამ საკრთს უფრო მეტი სინათლე მოე-
ფინება.

ამნაირად, სერაპიონს სამონასტრო მოღვაწეობა დაუწყია პარებს
850 წლის ახლო ხანძთში, ზარზმა აუშენებია 861—868 წლებში, ხო-
ლო გარდაცვლილა ის არა უადრეს 900 წლისა.

✓ სერაპიონის შემდეგ ზარზმის მამასახლისად დადგენილ იქნა გიო-
რგი (გვ. 34), რომელიც „ვითარცა წარკლეს წელნი მრავალნი“,
გარდაიცვალა (გვ. 41). რამდენ ხანს იყო გიორგი მამასახლისად?
მისი გარდაცვალების შემდეგ წინამძღვრად დაიღინა ვინე მიქელი,
რომელმაც იმავე წელს „თთუესა ივნისსა თხხსა, დღესა ხუთშაბათსა“,
იწყო ზარზმის ახალი ეკლესის შენება (გვ. 42). სერაპიონის გარდაც-
ვალების შემდეგ 4 ივნისი ხუთშაბათს მოდიოდა 901 და 907 წლებში.
901 წელს ჩენ ვერ ავიღებთ მიქელის მამასახლისობის დასაწყისად,
ვინაიდან სერაპიონის გარდაცვალება არც იმდენადა დაშორებული
901 წელს, რომ შესაძლო იყოს თქმა: „გარდაყდეს წელნი მრავალ-
წლო“, ამიტომ გიორგის მამასახლისობის დასახულად და მიქელის
დასაწყისად უნდა 907 წელი დაითოს. მიქელმა ეკლესია ააშენა „ვა-
ლოე სამჯურემდე“ (გვ. 43) და გარდაიცვალა, მონაცვალედ მისა დაიღ-
ინა ვინე პავლე, რომელმან „სრულყო ეპლებია და შემქო ყოვლი-
თა სამკაულით და აღმართეს მას შინა ხატი ფერისცვალებისად და
აქურთხეს ყოვლითა ჭურთხევითა“ (გვ. 43). თხზულებაში არავითარი
ცნობა არ მოიპოვება მიქელისა და პავლეს მამასახლისობის ხანგრძ-
ლივობის გასარკვევად, მაგრამ, თუ მხედველობაში მიეღიებთ, რომ მათ
დიდებული ტაძარი ააშენეს, რასაც მათს პირობებში საქმაო დრო
მოუნდებოდა (ნახევარზე მეტი შემოწირულებათა გზით აშენდა),
თითოეულისათვის საშუალო როცხვით ათი წელიწადი მაინც უნდა
ვიგარაუდოთ, ასე რომ, მიქელის მამასახლისობა დამთავრდება და-
ხლოებით 916 წელს, პავლესი კი—926-ს.

წარმოდგენილს ქრონოლოგიას საფუძველს აცლის თითქოს ერთი
გარემოება. საქმე ისაა, რომ პავლეს მამასახლისობას, როგორც ვნახეთ,
მე ცლებ მეათე სუუკუნის პირველი მეოთხედის მიწურულში, ნამდვი-
ლად კი ჩევნამდის შენახულა ის ფერისცვალების ხატი, რომელიც მან
დაასენა მის მიერ დამთავრებულს ზარზმის ახალს ეკლესიაში და
რომელსაც შემდეგი წარწერა ჰქონია: „სახელითა ღმრთისათა შეი-
მოსა ხატი ესე წმიდა... მამასახლისობასა პავლესა, ქორინიკონი
იყო რვ“. მაშასაღამე, პავლე მამასახლისად ყოფილა ქორინიკონსა
რვ, ესე იგი 886 წელს, თითქმის 40 წლით ადრე, ვიდრე მე ვგულისხ-
მობ (ამ წარწერისა და მის გარშემო არსებული ლიტერატურის შესა-
ხებ იხ. ექ. თაყაიშვილი, შენიშვნები ზარზმის ეკლესიისა
და მის სიძველეთა შესახებ, ტფილ. უნივერ. მოამბე, I, გვ. 104—
124). როგორ შემოუაროთ ამ ფაქტს?

ჯერ კიდევ სანამ სერაპიონ ზარზმელის „ცხოვრება“ აღმოჩნდებო-
და, ექ. თაყაიშვილი სამართლიანად ამბობდა: „ამ წარწერაში
ჰირველ ყოვლისა საეჭვოა ქორინიკონი... ასოები რვ, რომელიც მე

თვითონ კნახე, უძეველად ამ წარწერიდანაა მოგლეჭილი, მაგრამ საკითხავია, რომელ სტრიქონს ცკუთნიან ისინი? თუ იმათ ჩვენ შეორე სტრიქონს მივაკუთვნებთ, შესაძლოა ისინი მივიღოთ რიცხვის მაჩვენებელ ასოებად, მაგრამ, თუ მათ შევაკუთვნებთ პირველ სტრიქონს, რომელიც აგრეთვე დღვეულია, შესაძლო იქნება ისინი მივიჩნიოთ ქარაგმით გადმოცემული სიტყვის „ერვსა“ (=ერისთავს) ნაშთად“ (Археолог. ეკსკურსია, разыскания и заметки, I, стр. 68, 1905 г.). მას შემდეგ, რაც სერაპიონის „ცხოვრება“ აღმოჩნდა, ე. თაყაი-შვილმა, რომელიც სერაპიონის სამონასტრო მშენებლობის მოღვაწეობის მეცხრე საუკუნის პირველს ნახევარში სდებდა და რომელსაც ამიტომ პავლეს მამასახლისობა იმავე საუკუნის ოთხმოცან წლებში ბუნებრივად და დასაშვებად ეჩვენებოდა, აზრი შეიცვალა და აღნიშნული „ქორონიფონის“ გადარჩენა წარწერის ნატეხების თავისებური „შეკოშიშებით“, როგორც თვითონ ამბობს, მოინდომა (ტყილ. უნივერს. მოამბე, I, 107); მაგრამ მას გამოეპარა, როგორც ეს თავის დროზე პროფ. ივ. ჯავახიშვილმაც აღნიშნა (ქართული პალეოგრაფია, გვ. 166—7), შემდეგი გარემოება: პავლეს მამასახლისობის დროინდელ წარწერას ხატის შემმოსვის შესახებ იმავე ნაჟერზე, რომელზედაც ის გამოყვანილია, უშუალოდ მისდევს იმავე ხელით შესრულებული მეორე წარწერა, რომელშიაც ხატის შემმოსველად თავის თავს ასახელებს ვიღაც ზეიად ერისთავი, უძეველია პავლეს მამასახლისობის მერმინდელი პირი. როგორ მოხდა, რომ ორი სხვადასხვა დროის წარწერა ურთ ნაჟერზე და ერთიდაიმავე ხელით გამოყვანილი აღმოჩნდა? ეს გარემოება საეჭვოდ ხდის, რომ ასოები რვ რიცხვობრივი მნიშვნელობისა და პავლეს მამასახლისობის ქორონიფონის მაჩვენებელი იყოს. რაც დაახლოებითი და სიზუსტეს მოქლებული არ უნდა იყოს ჩემი გამოანგარიშება, ყოველ შემთხვევაში, პავლე 885 წელს მამასახლისად ვერ იქნებოდა. თხშულებით პირდაპირ ჩანს, რომ სერაპიონი გიორგის მაწყვერელად გახდომის შემდეგ, ყოველ შემთხვევაში, ხუთი წლის განმავლობაში კიდევ ცოცხალია. გიორგი უშუალო მომდევნოა აწყურის კათედრაზე ეფრემ დიდისა, რომელიც 40 წელს იყო მაწყვერელად; ეფრემი დაბადებულა, როგორც დავინახეთ, არა უადრეს 825 წლისა. რაც ადრე არ უნდა გამხდარიყო ის, საკლესით წესების წინააღმდეგ, ეპისკოპოსად (არას შემთხვევები ამ წესების დარღვევისა), სულ უკანასკნელი საზღვარიც რომ ავიღოთ მისი ეპისკოპოსად გახდომისა, — 20 წელი — ამაზე ძირს წასვლა ხომ შეუძლებელია (ანტონ I კათალიკოსი ეპისკოპოსად აკურთხეს 21 წლისა), მაშინაც კი 886 წლის გამართლება შეუძლებელი იქნება: ეფრემის გარდაცვალება (825+20+40) და გიორგის მაწყვერელად გახდომა მოვა

ამ შემთხვევაში 885 წელს, სერაპიონის გარდაცვალება კი 890-საც. ამის ტომ რა ასობს უნდა სამუდამოდ გამოვეთხოვთ, როგორც ქორონიკონს პავლეს მამასახლისობისას, და ეს მამასახლისობა გადაიტანოთ, თანახმად ყოველივე ზემონათქვამისა, მეთე საუკუნის პირველი მეოთხედის მიწურულში. თუ ამ ასოებს მაინცდამინც ქორონიკონის მნიშვნელობას მივცემთ და პავლეს სახელის შესცველ წარწერას, პროფ. ი. ჯავახიშვილთან ერთად, ზეიად ერისთავის დროს მექანიკურად გადმოწერილად ვივარაულებთ, მაშინ უნდა ვთქიქროთ, რომ ქორონიკონი წარყვნილადაა გადმოწერილი, რომ თავდაპირველს დედაში იყო არა რა, არამედ ან როვ (916) — დასწყისი პავლეს მამასახლისობისა, ან როვ (926), — მისი დასასრული. ამის საფუძველს ისიც მოგვცემდა, რომ, როგორც ცნობილია, საზოგადოდ მთელი წარწერა ძალზე წარყვნილია, იმდენად, რომ მისი ნამდვილი სახის აღდგენა ძნელია¹⁴.

პავლეს შემდეგ წინამდლვრობა მიუღია სერაპიონის ძმისშვილს ბასილს, მაშასადამე, მისი მამასახლისობის დასაწყისი მოდის მეათე საუკუნის მესამე ათეულის მიწურულში. დიდხანს ის არ უნდა გაგრძელებულიყო, როგორც ეს ჩანს პავიოვრაფის შემდეგი სიტყვებიდან: ბასილმა „კეთილად ღლუაწა ჟამ რაოდენ მე ადგილი იყი, ნამუშაკევი მამის ძმისა თვისისა“ (გვ. 44—45). ბასილი ზარზმაში მოსულა „შემდგომად უამთა მიცვალებისა“ (გვ. 43) სერაპიონისა; მოთხრობის ხსიათი ნებას იძლევა დავასკენათ, რომ, თუ ცოტათი უფრო ადრე არა, პავლეს მამასახლისობაში ის იქ იმყოფება. მონასტერში

¹³ ვერ გადაჩება 886 წელი იმ შემთხვევაშიც კი, რო ყველა ამასთან ეფრემ მაწყვერელის დაბადებას დავდებთ არა 825, არამედ 815 წელს (ამაზე აღრე აღარ ჟერძლება); ამ შემთხვევაში გორგის მაწყვერელად გახდომა მოვა 875 წელს, სერაპიონის გარდაცვალება კი 880 წელს; ნუთუ გორგი მამასახლისის „მრავალზე წელზე“ და მასი მომდევნო მიქელის აღმშენებლობითი მუშაობა 880—886 წლებში ჩაეტვა⁹

* ¹⁴ უკანასკნელად ექ: თაყაიშვილმა ამ წარწერის გაურკვეველი ასოები „მწლა მსაგსა“ წაკითხა ასე. შეიმოსა ხ ტი ესე „ძეუდა მაწყვერელისა გორგისა“. შეიძლება ასეთი წაკითხვა ვისმე უვეველად ეჩვენებოდეს. მაგრამ ჩემთვის ის უცილობელი არაა, რაღვანაც ამის საწინააღმდეგოდ ლაპარაკობს ზმის ფორმა „მწერა“ რა „შემწედა“, რომელიც მოცემულს კონსტრუქციაში არაბუნებრივა. ამ ასოების ფრაგმენტებში ყველას თავსებური სახელების ამოკითხვა შეუძლია, არანალები უფლებით მე, მაგალითად, იმას აკე წავკითხავდი: „შეიმოსა ხატი ესე, მწე (გიხდა — შემწე) ღილისა (და) მთავრისა (მსა) გიორგისა (გსა)...“ რასაკვირველია, ვიღაც სხვა გორგისა და არა წორჩახლისა, როგორც პავლემდე გარდაიცვალა. თუნდაც რომ ამ ასოებში გორგი მაწყვერელის სახელი ამოვითხოთ მართლა, ჩემს ქრიონლოგიურ კონცეფციას ამით არაფრი დააკლება, რადგანაც პავლეს მამასახლისობას მე 916 წლიდან ვიწყებ დახსლოებით, გორგი მაწყვერელი კი 920—925 წლებში ცოცხალთა შორის არც საგულვებელი.

დამკვიდრების შემდეგ ის შესდგომია თავისი ბიძის საფლავის გაშვენებას და მისი ხელების უკვდავყოფას; მას არ მოსწონებია, რომ განსვენებულის სამარხო მოთავსებული იყო „ადგილია ფარულსა“ (გვ. 43), ამიტომ შეუმზადებია ახალი ქვის ლარნაკი, რომელშიაც ჩაუსვენებია თავისი ბიძის ნეშტი და დაუსვენებია „საჩინოსა შტიცსა ახლისა ეკლესიისა“ (გვ. 44); ლარნაკზე აუმართნია წინამორბედის სახელობის ჯუარი, მონასტრის წინამდლვრისა და კრებულის გადაწყვეტილებით გაუმწესებია მის საფლავზე მწირველი მღვდელი და განუკუთვნია მისი ყოველწლიური ხელებისათვის 29 ოქტომბერი. ყველაფერი ეს მომხდარა პავლეს მამასახლისობაში; ეს იქიდან ჩანს, რომ ჰავიოგრაფი (მეტაფრასტი) ჯერ გადმოგვცემს ამ ამბებს და შემდეგ უშუალოდ განაგრძობს: „ხოლო ამისა შემდგომად ბასილი მითითუალა წინამდლურობა“ (გვ. 44—45). ამავე დროს და არა მამასახლისობაში, როგორც აქამდე ვფიქრობდით, უნდა დაწერა მას სერაპონის „ცხოვრება“; ეს ასეც უნდა ყოფილიყო: ყველა ზემოქამოთვლილის დასაგვირგვინებლად მას უნდა უკვდავეყო სერაპონის სახელი და სახელებელი მისი „ცხოვრების“ დაწერითაც. ბართლაც, ეს თხზულება რომ ბასილის მიერ მის წინამდლვრობამდევ დაწერილი, პავლეს მამასახლისობაში, ეს შემდეგიდან ჩანს: 1. ბასილი თვითონ ამბობს: „მე, უნარჩევესი ყოველთა მოწევეთა“ (გვ. 43), რაც ულასხმობს, რომ ის ჯერ კიდევ უბრალო მოწევეთა და არა მამასახლისი;— 2. ის აღნიშნავს პავლეს საქმიანობას, მის მიერ ახალი ეკლესის დამთავრებასა და კურთხევას, მაგრამ სიკვდილის შესახებ არას ამბობს (სხვა მამასახლისების შესახებ მოთხოვთ ის ყოველთვის მათს სიკვდილსაც აღნიშნავს ხოლმე), მაშასადამე, როდესაც თხზულება იწერება, პავლე ჯერ კიდევ ცოცხალია. 3. საჭირო მასალას განზრახული შრომისათვის ბასილს აწვდის, სხვათა შორის, გიორგი მაწყვერელი; საეჭვოა, რომ გიორგის ცხოვრება მეთე საუკუნის პირველს მეოთხედს გადასცილებოდა. საქმე ისაა, რომ გიორგი მეცხრე საუკუნის სამოცაან წლებში როდესაც სერაპონი ზარზმა აშენებდა, უკვე ბერადა ანაზის მონასტერში და აქტიური წევრია იქაური ძმობისა, ამიტომ. მეტის თუ არა, 20 წლის მაიც უნდა ყოფილიყო ამ დროს, ასე რომ, მეთე საუკუნის პირველი მეოთხედის გასულს ის 80 წელზე ნაკლების აღარ იქნებოდა. გიორგი მერჩული, ავტორი გრიგოლ ხანძთელის „ცხოვრებისა“, მას სტეფანე მტბევარის თანამედროვედ თვლის, როდესაც ამბობს, რომ ამ „ცხოვრების“ დაწერას მე მოველოდი „ბრძენთაგან და სრულთა მამათა, რომელნიცა იყვნეს უამთა ჩუენთა... ქრისტის მღდელთ-მოძღუარნი ღირსნი გიორგი მაწყუერელი ეპისკოპოსი და სტეფანე მტბევარი ეპისკოპოსი პირველი“ (გვ. ნგ). სტეფანე კი, როგორც ცნობილია, მოღვაწეობდა მეცხრე საუკუნის გასულს და მეათის პირველს

მეოთხედში (კ. კაველიძე, ქართული ლიტერატურის ისტორია, I, 143).

მრიგად, სერაპიონის „ცხოვრება“ ბასილის მიერ დაწერილია მეათე საუკუნის მეორე ათეულის მიწურულში, დაახლოებით იმავე დროს, როდესაც სტეფანე მტბევარს „გობრონის მარტვილობა“ დაუწირა, ამ დროს „ქართველთა მეფედ“ ითვლებოდა აღარნასე დავითის ძე (888-923), რომელიც „გობრონის მარტვილობაში“ მოხსენებულია. შარაულია, ამ მეფეს ბასილი თავის თხზულებაში არ იხსენიებს, მაგრამ ეს იმის მომასწავებელი არაა, რომ თხზულება დაწერილია აღარნასეზე წინ გინა თუ შემდეგ. საქმე ისაა, რომ სერაპიონის მოლვაჭობა, რომელიც შეადგენს თხზულების შინაარსს, დამთავრებულია მეფობის აღდგენამდე. ამიტომ აღარნასეს ის ვერ მოიხსენებდა; სტეფანე მტბევარს უთუოდ უნდა მოეხსენებია აღარნასე, როგორც მთავარი მოქმედი პირი იმ ომისა არაბებთან, რომელმაც იმსხერპლა გობრონი; ბასილს არავითარი საბაბი არ ჰქონია არც მისი მოხსენებისა, არც სხვა გინმე დიდი კაცისა, გარდა იმ ფეოდალი მთავრისა, რომლის საბრძანებელში უშუალოდ მოღვაწეობდა (გიორგი ჩორჩანელი) სერაპიონი.

თხზულება რომ ბასილის მიერაა დაწერილი, ეს, რასაკვირველია, სადაცა არაა; ისეთი სიტყვები, როგორიცაა „რამეთუ თვთ დასწერს ბასილი, რომელმან ცხორებაა ესე წმიდისა აღწერა, და იტყვას: „მე, ბასილი, მმისწული სერაპიონისი“... (გვ. 43), ეჭვს არ სტოვებენ ამაში.

ბასილი იყო შვილი სერაპიონის უფროსი მმისა, რომელიც, მების მონასტერში წასვლის შემდეგ, სახლში დარჩა და „წესითა მსოფლიოთა დამპყრობელ ექმნა მამულსა სამკუდრებელსა“ (გვ. 6). მართალია, ბასილი ზარზმაში ბერად მოსულა, როგორც თვითონ ამბობს, სერაპიონის გარდაცვალების შემდეგ, მაგრამ, თუ ჩვენ მოვიგონებთ, რაც სერაპიონის გარდაცვალების შესახებ ითქვა, ძნელი დასაჭერებელი ექნება, რომ ბასილს თავისი ბიძა სიცოცხლეში არ ენახა და არ სცნობოდა¹⁵. მას ის შეეძლო თავისი მამის სახლშიც ენხა, რადგანაც სერაპიონი, როგორც თხზულებიდან ჩანს, თავის ყოფილ ოჯახს არ გაურბოდა: ასე, მაგალითად, ერთხელ, როდესაც ისა და მისი ძმა ითანებარებილა ზარზმაში ბრუნდებოდნენ, მათ სახლში გამოუელიათ და „ძმადცა იგი მათი უხუცესი, რომელი პირველ ვაჯენეთ, იხილეს და სურვილით მოიკითხეს, და თანაექცეოდა იგი ყოველსა მას მუნ ყოფა-

¹⁵ გასაკვირი არაფერია იმაში, რომ ბასილმა არ იცის სახელი თავისი ბებრისა (მამის დედისა), რომელსაც ის არ მოსწრება; ყოველ შემთხვევაში, ეს გარე-მოება ვერ დაგვიძერეცეს იმას, რომ ბასილი სერაპიონს არ იცნობდა, მაშინ ამავე უფლებით შევაძლო გვეფირა, რომ ის თავის მამასაც არ იცნობდა.

სა შინა მათსა“ (გვ. 32). ასე რომ, ერთ-ერთ წყაროდ ბასილისათვის შეგვიძლია ოვით სერაპიონი მივიჩნიოთ: შეუძლებელია ზოგი რამ სერაპიონის თავგადასავალ-მოლვაწეობიდან ბასილს უშუალოდ მისგან არ ჰქონდეს გაონილი. გარდა ამისა ფაქტიური მასალა მისთვის მიუწოდებია სერაპიონის თანამედროვესა და მეგობარს, გიორგი მაჭყვერელს; „მოგუეთხა ესე“, ამბობს ავტორი, „არა თუ უჩინოთა ვიეთმე მიერ კაცთა, არამედ ფრიად საჩინოთა და ბრწყინვალეთა, ვიტყვა უკუე გიორგის, ეპისკოპოსსა მაწყუერელსა“ (გვ. 27), „ყოველი ეს სასწაული და საქმენი, რომელი იგი პირველ ეპისკოპოსობისა და უკუანასკუნელ ენილვნეს, მომითხრეს პირმან მან უტყუელმან. გიორგის ვიტყვკ მაწყუერელსა“ (გვ. 41), შენიშნავს სხვა ადგილს ბასილი. ბასილის დროს ცოცხალი ყოფილა აგრეთვე ის პირიც, რომელიც სერაპიონს დაყვებოდა, თანახმად გიორგი ჩორჩანელის ბრძნებისა, სამონასტრო ადგილის გამოსაძებნად, მოელი ეს მოთხრობა (გვ. 16 — 24) გაღმოცემულია ამ ადამიანის პირით. ცნობები მიქელ ბარეხელისა და სერაპიონის მასთან მოლვაწეობის შესახებ ბასილს ამოღებული უნდა ჰქონდეს მიქელის „ცხოვრებიდან“, რომელიც, ოვით ბასილის სიტყვით, „აღწერეს მოწაფეთა მისთა“ (გვ. 6) და რომელიც ჯერებრობით დაკარგულად უნდა ჩაითვალოს. სხვა კიდევ ცნობები „სარწმუნოთა კაცთა მიერ ფიცით მოგუეთხრნეს ჩუენი“ (გვ. 36). ამბობს ავტორი. აღნიშნული წყაროები სრულს გარინტის იძლევიან იმისას, რომ თხზულებაში გაღმოცემული ფაქტები და ამბები უაღრესი ნდობის ღირსია. ამ წყაროების გამოყენებით, მის მიერ ნანახისა და განცდილის საფუძველზე, ბასილს გარევული, ჭინაშარ მოფიქრებული გვგმით დაუწერია შრომა, რომელშიაც სასტიკი ქრონოლოგიური თანმიმდევრობით მოთხრობილია სამცხეს სამონასტრო კოლონიზაციის ამბები თითქმის ერთი საუკუნის მანძილზე, მეცხრე საუკუნის ორმოცანი წლებრიდან მეათე საუკუნის ოცდაათიან წლებამდე.

სამწუხაროდ, ეს შრომა ჩვენამდე არ შენახულა იმ სახით, რა სახითაც ის გამოვიდა მისი ავტორის ხელიდან. როდესაც ქართულს მწერლობაში ფეხი მოუდგამს ე.წ. მეტაფრასულ მიმართულებას, ამ შრომასაც განუცდია ამ მიმართულების გავლენა, ვიღაც მეტაფრასტს უკისრია მისი შეკეთება და განახლება. თხზულებას რომ მართლაც განუცდია შემდეგში სხვისი ხელი, ამას შემდეგი გარემოება გვაფიქრებინებს. პირველად, ასეთი ფრაზები — „თვთ დასწერს ბასილი, რომელმან ცხორებად ესე წმიდასად აღწერა, და იტყვს, ანდა — „ამისა შემდგომად ბასილი მიითვალა წინამძღვრობას, რომელმან კეთილად იღუაწა უამ რახოდენმე“, — არ შეიძლება ოვით ბასილს ეკუთვნოდეს. მეორედ, ციტაცია, რომელსაც ადგილი ქვს თხზულებაში; სერაპიონის ცხოვრებასა და სასწაულოთმოქმედებას ავტორი პარალელს უძებნის

სხვადასხვა მეუღლებნოეთა და წმიდათა ცხოვრებაში, როგორცაა, მაგალითად, მაკარი მეგვიპტელი, ექვთიმე, საბა და გერასიმე, ბესარიონ ბერი, თეოდოსი დადო, გრიგოლ საკვირველომოქმედი, გრიგოლ აკრანტელი და სხვ. ამათგან მაკარი მეგვიპტელის დასახელება მეათე საუკუნის გასულზე აღრე შეუძლებელია, ვინაიდან მისი „ცხოვრება“ და თხზულებანი ქართულად ექვთიმე ათონელმა თარგმნა: ე. ჭ. პალეტრინის პატერიკი, რომელშიაც მოთავსებულია, სხვათა შორის, ექვთიმე დიდის, საბასი, გერასიმესი და თეოდოსი დიდის „ცხოვრებანი“. მეათე საუკუნის ნახევარზე აღრე არ ჩანს ქართულს მწერლობაში. ერთადერთი ხელნაწერი, რომელიც ამ პატერიკს შეიცავს, მეთერთმეტე საუკუნის პირველს ნახევარს ეკუთვნის (ბრიტანეთის მუზეუმის ხელნ. Addit. 11281), ხოლო საგალობლები აღნიშნული პირებისა პირველად მიქელ მოდრეკილის კრებულში გვხვდება. ბესარიონ ბერის სახელი ჩვენს ლიტერატურაში შემოვიდა იმ კრებულთან ერთად, რომელიც Patrum Vitae-ს სახელითაა ცნობილი და რომელიც მეათე საუკუნეზე აღრე ქართულ ენაზე არაა ცნობილი. ყველაზე მეტად მნიშვნელოვანია ამ შემთხვევაში ხსენება ორი გრიგოლისა: აკრანტელისა და საკვირველომოქმედისა; გრიგოლ აკრანტელის „ცხოვრება“ ქართულად უთარგმნია დავით ტბელს, რომელიც მოღვაწეა მეათე საუკუნის გასულის და მეთერთმეტის დამდეგისა (კ. კეკელიძე, ქართული ლიტერატურის ისტორია, I, 176—180), ხოლო „ცხოვრება“ გრიგოლ საკვირველომოქმედისა, გრიგოლ ნისელის მიერ დაწერილი (ციტაცია იქიდანაა), გიორგი მთაწმიდელმა თარგმნა დაახლოებით მე-11 საუკუნის ნახევარში. ვინაიდან აღნიშნული ციტაციის წყარო, როგორც თხზულების ხასიათიდან ჩანს, ქართული ლიტერატურაა და არა ბერძნული, ჩვენ უფლება გვაქვს ვთქვათ, რომ ის, ციტაცია, ეკუთვნის არა ბასილს, არამედ ისეთს პირს, რომელიც ცხოვრობდა არა უადრეს გიორგი მთაწმიდელისა. ეს ჩვენ საშუალებას გვაძლევს გავითვალისწინოთ დრო, როდესაც მოხდა გადამეტაფრასება ან განახლება სერაპიონის „ცხოვრებისა“. არქეოლოგიური კვლევა-ძიებით დღეს ცნობილია, რომ მიქელისა და პავლეს მიერ აშენებული ზარზმის ეკლესია განუახლებით და გადაუკეთებით მე-11 საუკუნეში ბაგრატ მეოთხის დროს (ე. ჭ. თაყაიშვილი, შენიშვნები ზარზმის ეკლესიისა და მის სიძველეთა შესახებ, ტფილ. უნივერსიტ. მოამბე, I, 133—4). ამასთან დაკავშირებით სრული-ად ბუნებრივი და მოსალოდნელი იყო გადაუკეთება და განახლება ზარზმის მაშენებლის, სერაპიონის, „ცხოვრებისაც“. ასე რომ, მეტაფრასული რედაქცია ამ „ცხოვრებისა“ ეკუთვნის მეთერთმეტე საუკუნის მეორე ნახევარს.

საბედნიეროდ, ეს განმაახლებელი არც ისე დახელოვნებული მწიგნობარი ყოფილა, რომ მას ისე რადიკალურად გადაეკეთებია „ცხოვრება“, როგორც ეს მიღებული იყო მეტაფრასულ ლიტერატურაში; არსებითად გასილის შრომისათვის, მისი გეგმისა და ფაქტიური მხარისათვის, მას ხელი არ უხლია, მისი რედაქციული მუშაობა გამოიხატება შემდეგს რამეში: 1. მოკლე შესავალი და ეპილოგი, რომელიც უკეთესობის ბასილის შრომასც ჰქონდა, მეტაფრატს განუვრცია და შეუტყია საღვთო წერილიდან ამოღებულ ტექსტებითა (შესავალი) და აგრეთვე მრავალი პათოსური მიმართვით (ეპილოგი). 2) შეუტანია თხზულებაში შედარებანი სერაპიონის მოღვაწეობისა და სასწაულთმოქმედებისა სხვადასხვა მეუღლაბნოეთა, წმიდათა და ბიბლიურ პირთა ცხოვრებასთან, როგორც ეს მიღებული იყო განსაკუთრებით მეტაფრასულ ჰაგიოგრაფიაში. 3) ცალკეული ნაწილები მოთხრობისა გადაუბამს ერთიმეორეზე საგანგებო, მეტაფრასტების მიერ მიღებული, აბზაცებით: ასეთია ადგილები: ა) „ხოლო აქა ეგულვების სიტყუასა მოკლედ წიაღსლვაა... მოძღვრებისა ნამშაკევთაა“. ბ) „ხემოამოწერილი და განხილული ადგილი შიო მღვიმელის შესახებ. გ) „ხოლო შენ იხილე საყუარელო... ხოლო აწ პირველსავე შევეხნეთ თქუმად“. დ) „არამედ საყუარელნო ძმანი... მოგუემაღლა ჩუენ მამად და მოძღვარი“. ე) „ხოლო ყოველი იგი კრებული... განჯმა წმიდათა მათ რიერ“. ვ) „და განითქუა სასწაული ესე ყოველთა შორის... და პირველსავე სიტყუასა აღვიდეთ“. ზ) „არამედ აქა ნეშტი სიტყუასა... სახელად იოგანესსა აღეშენა“; „ხოლო ამისსა შემდგომად ბასილი მიითვალა წინამძღვრებაა...“ ბოლომდე. 4) მეტაფრასტს გადაუკეთებია თხზულება სტილისტიკურად; სტილისტიკური ცვლილებანი მას იქაც კი შეუტანია, სადაც მოთხრობა პირველი პირითაა გადმოცემული; ავტორი განსაკუთრებით ხშირად ხმარობს სიტყვას „ვინაა“, რომელიც გააბატონა ჰაგიოგრაფიულ თხრობაში მეტაფრასულმა მიმართულებამ, აგრეთვე „და“ თანდებულს წინადაღების თავში, მაგალითად: „და, საყუარელო, შენ უკუე ვინ ხარ?“ „და, ვმაღლობ ღმერთსა და მეუფესა მ წმიდანო“, „და წარვედ მსწრაფლ და ცან ძალი“.

ამრიგად, მიუხედავად იმისა, რომ ბასილის შრომას მეტაფრასული ოპერაცია განუცდია, ის მარც რჩება ისეთ ჭეგლად, რომელიც უტყუარ სურათს იძლევა თანამედროვე ეპოქისას და ამ მხრავ დადად არ ჩამოუვარდება გორგი მერჩულის შრომასაც კი.

სოციოლოგია სრუაიონ ზარხველის „ცხოვრების“ და
აღიავლობა თხზულებისა

1. ერაპიონის სამცხეში მცვლა, იქ სამონასტრო ადგილის ძებნა, პირველი ეკლესის აშენება და მასთან დაკავშირებული საქმიანობა წინ უსწრებს უშუალოდ საქართველოში მეფის ინსტიტუტის ოდგნას (888 წ.) და ამიტომ გასაკვირი არა, რომ როგორც ვთქვით, ამ ძეგლში მეფეს ვერ ვხვდებით. ჰევენის სათავეში დგას ფეოდალური კლასი, რომელიც შიგნით სხვადასხვა ხარისხსად იყოფა ასე, მაგალითად, თხზულებაში ვხვდებით „დიდ მთავრებს“ მირიანსა და გიორგი ჩორჩანელს; უკანასკნელი იყო „მთავარი დიდი და წარჩინებული, რომელი ყოველთა პმატდა სიმდიდრითა და სიმრავლითა ერთა და აგარაჯთახთა, რომელთა სივრცე საზღვართვრცელ და მრავალი იყო. ესე კაცი მრავალთა ტაძართა და კარავთა იქცევდა და ტაძარნი მისნი შენ უკნეს სანახებთა ჩორჩანისა და ზანავისათა“, ის იყო „უფალი მათ აღვილთად და მპყრობელი ყოველთა მათ სანახებთად და არავინ წინააღმდეგომ იყო მისდა აღვილთა მათ“. გარდა „დიდი მთავრისა“ სამცხეში არიან „სხუანიცა მთავარი გარემოთა აღვილთაგანი“, რომელიც ისეთი სიმდიდრისა და შეძლების პატრიონად არ ჩანან, როგორც გიორგი. თხზულებაში ვხედავთ მესამე კატეგორიის მთავრებსაც: დიდ მთავარს გორგის თავის ამაღლები ჰყავს დაახლოებული კაცები, შემსრულებელნი მისი ნებისა და სურვილისა. ესენი არიან არა უბრალო პერსონები, არამედ „მთავარნი და საკუთარნი დიდისა მის მთავრისანი“. გიორგიმ „უბრძანა“ მათ წავიდნენ სერაპიონთან და „ზედმიწევნით ცნან ყოველივე“; მათ შეასრულეს ღავალება და დაბრუნებულნენ უკან, „რათა წინაშე გიორგისა ყოველივე ხილული და სმენილი წარმოოთხრეს“. დიდი ფეოდალებით „თავისუფლებით და ნებისაებრ“ ცხოვრობენ „აღვილთა შინა კეთილთა და ნაშენებით ღონიერთა“, „უმრავლესთა უამთა ინაღირობნ“ და თავის საკუთრებას გაფაციცებით იცვენ უცხო ხელისაგან, იქმდე, რომ მათის საბრძნებელში სანაღიროდაც კი შესვლა უცხო კაცისა დაუშვებელ მოვლენად, „კადრიერებად და ურცხვინო საქმედაა“ მიჩნეული. საკუთრებისა და მიწათმფლობელობის ნიადაგზე ფეოდალურ აჯაშში სისხლიც კი იღვრება; ასე, მაგალითად, როდესაც გარდაიცვალა გიორგი ჩორჩანელი, რადგანაც მას საკუთარი შვილები რ ჰყავდა, „ყოველივე, რაცცა აქუნდა, მაშელი და მონაგები მისი, ლასა მისა შეჰვედრა და შვილთა მასთა საკუთრებით განუთვას“. ერთ-ერთს ამ უკანასკნელთაგანს, ლაკლას, მოუქლავს საკუთარი სიძე. დის შმარი, რომელსაც ცოლისათვის ნაწილი გამოუთხოვია. ერთადერთი დაწესებულება და ადამიანი,

რომელთათვის ფეოდალები თავიანთ მამულსა და მოხაგებს არ იშუ-
რებენ, თუმცა, როგორც ქვემოთ დავინახავთ, არა ყველა და არა ყო-
ველთვის, არის ეკლესია-მონასტრები და ბერმონაზენობა, თუმცა ესეც
იმიტომ უმთავრესად. რომ ეკლესია-მონასტრების გაშენება ფეოდა-
ლის საბრძანებელში ამ ფეოდალის დიდების, შეძლების და გავლენის
მაჩვენებლად იყო მიჩნეული, მონასტრები ითვლებოდა მის საკუთრე-
ბად, როგორც სამლოცველო და განსასვენებელი მისი, და მემკვიდ-
რეობით გადაეცემდა სხვას (ზარზმა გიორგი ჩორჩანელმა თავის დის
ოჯახს გადასცა). როდესაც პატრინი მოისურვებდა, მონასტრებს ჩა-
მოართმევდა შეწირულ მამულს და უკანვე დაიბრუნებდა ხოლმე. ასე
მოხდა, სხვათა შორის, ზარზმის მიმართ, როდესაც გიორგი ჩორჩა-
ნელის დის ოჯახში ზემოაღნიშნული მკვლელობის შემდეგ ხანგრძლივი
მღელგარება დაწყებულა.

ფეოდალური კლასის მეორე ფრთას შეადგენს ეკლესია, ბერმონა-
ზენობა და სოფლიო სამლოცველოება. თხულებაში წარმოდგენილია
ის ხანა, როდესაც სამცხეში ადგილი ქვეს გაცხოველებულ სამონას-
ტრო მშენებლობას, ამ მშენებლობას ეტრუან და ხელს უწყობენ
როგორც დიდებულნი (ხშირია მოვლენა, რომ მათი ოჯახის წევრები
თვითონ მიღიან ბერად და მონაზენად, მაგალითად, „კაცი სახელოა-
ნი გარბანელი“, გიორგის და ლატავრი, რომელსაც მონაზენობაში თე-
კლა ეწოდა), ისე მდაბიონი. როგორც სასულიერონი, ისე საერონი.
ეკლესია-მონასტრები თავისებურ მემამულებს წარმოადგენენ, — სე-
რაპიონნმა ზარზმის მონასტრისათვის გიორგი ჩორჩანელისაგან მიიღო
დიდი მამულები; გიორგი ეუბნება ერთს ჭაბუკს: „შვილო საყუარე-
ლო, გზა-ჰყევ შმრდათა ამათ და ხეალე განთიადითგან ვიღრე მწერ-
ამდე რაოდენი შემოწერით შემოვლონ, მიმიცემის მათდა, ვინამ-
თვან აღვილსა ამას წადიერ არიან“. გიორგიმ სერაპიონს „სოფლუ-
ბიცა მიცუნა“, ვინაიდან „მოსწრაფე იყო, რათა ყოველივე ადგილისა
მისთვის წარაგოს“: გარდა ამისა ახალგაშენებულ მონასტრებს გან „მის-
ცნა ყოველნი საჯმარინი: გორები და კარაულები და რაოდენ რაზუ-
ქმდა სიმრავლესა ძმათასა“. „ხოლო მრავალთა იწყეს მიბაძეად მისსა
და.... ძალისაებრ აჩუენებდეს შესაწირავსა“, შენიშნავს ავტორი. სამ-
ცხის ეკლესის სათავეში დგას მაწყვერელი, ესე ივი ეპისკოპოსი
აწყურისა, გიორგი შუარტყლელი, რომელიც „აღმოცენდა მშო-
ბელთაგან წარჩინებულთა“, მაშასადამე წარმოშობითაც ფეოდა-
ლურ კლას ეკუთვნილა. სამცხე, ავტორის სიტყვით, არის „საბრ-
ძანებელი“ გიორგისა, მან „დაიბყრა ყოველი მამული და ეკლესიანი“,
რომელიც მიტაცებული იყო „მეშვეოთებული“ ჩორჩანელის მემკვა-
დრეთა შორის ატეხილი მღელგარების დროს. ერთი სიტყვით, გიორგი
მაწყვერელი უფრო დიდი და შემძლეა, ვიღრე „დიდი მთავარი“, ვი-

ნაიღან ის, როგორც თავი ეკლესიისა, „მბრძანებელია“ მთელი სამცხეისა, სერო ფეოდალები კი მხოლოდ მისი ნაწილისა.

ბასილის თხზულებაში ვხედავთ დაბალი კლასის წარმომადგენლებსაც; ეს თხზულება, შეიძლება ითქვას, ერთადერთია აღრინდელი ქართული ფეოდალური ლიტერატურის ისტორიაში. რომელშიაც დიდი კლასების გვერდით, გამოყვანილა გლეხობაც. სერაპონი თვითონ იყო გლეხი, მისი შშობლები, რომელიც „ლიტონად“ ცხოვრიბდნენ, „იჩერდებოდეს შრომითა და ქუეყნის-მოქმედებით“, ესე იგი მიწათმოქმედებით. შათი გარდაცვალების შემდეგ შვილები „დაშთეს ალსა შინა სიგლახაკისასა შეთხეული“. გლეხებიცი იყო ძარღუა სოფლის მცხოვრებიც, რომელსაც ბერად შედგომის ნებას არ აძლევნ არც სოფლელები, არც „უფალი“ მისი, აღბათ იმიტომ, რომ მისი მონასტერში წასვლით სოფლელებს აკლდებოდა აქტიური წევრი, რაც უმნიშვნელო არ იყო მათ მიერ სახელმწიფო თუ საბატონო ვალდებულებათა სიმძიმის დაძლევისათვის, ხოლო ბატონს — მუშახელი და გამოცდილი მოსამსახურე. გლეხები იყვნენ საძმოს დაბა წისქვილთან თავმოყრილნი „კაცნი უკეთურნი და ყოველად მყეცებრივნი“, რომელთაც „იწყეს ყენებად“ სერაპიონისა, „ვითარცა ცოფნი წინარბიოდეს“ მისა და ნებას არ აძლევდნენ მას სამონასტრო ადგილის დათვალიერებისას. შშობლების გარდაცვალების შემდეგ სერაპიონი თავისუფლად მიდის მონასტერში, ხოლო მისი უფროსი ძმა „წესითა მსოფლიოთა ღამპყრობელ ექმნა მამულსა სამკუდრებელსა“; ამავე დროს ძარღუა სოფლის გლეხს ბატონი ნებას არ აძლევს ბერად შედგომისა და ისეთ ზომას მიმართავს, როგორიც არის ძალით ჩამორთმევა მის მიერ მონაგები ფულისა. ამ ორი, ერთი მეორის საწინააღმდეგო, მოვლენის გაოვალისწინებით მე უკვე მქონდა შემთხვევა გამომერკვია. რომ პატრიონუმობის დამყარებამდე (მდ-10 საუკუნემდე) ჩვენში ადგილი ჰქონდა ფეოდალურ ურთიერთობათა იმ ვარიანტს, რომელიც ცნობილი პარიულ ურთიერთობათა სახელით და შემდეგში მდგომარეობდა 1) გლეხს შეეძლო, როდესაც მოისურვებდა, მონასტერში წასვლით თუ სხვა მემამულესთან გადასვლით. მიუტოვებინა თავისი პირვანდელი „უფალი“, მხოლოდ უკანასკნელისათვის უნდა მიეცა გარკვეული კომპენსაცია; 2) გარკვეული ვადის შემდეგ, რომელიც ბიზანტიაში 30 წელს უდრიდა, მემამულე ჰქარგვდა უფლებას ჩამოერთმია გლეხისათვის მამული, რომელიც გლეხის უცილებელ განკარგულებაში გადადიოდა, იქამდის, რომ შეეძლო მემკვიდრეობით გადაეცა შვილებისათვის, იმ პირობით კი, რომ მემამულეს ყოველწლიურად მისცემოდა მამულით სარგებლობისათვის გარკვეული გამოსალები (კ. კ ე კ ე ლ ი ძ ე. ქართული ფეოდალური ლიტერატურის პერიოდიზაცია, გვ. 11 — 12).

თხზულებაში ვხვდებით აგრეთვე სხვა სოციალური წრის წარმომადგენელსაც, მაგალითად, ყმას, რომელიც, ვტორის შეგნებით, მონის სინონიმს წარმოადგენს. იქ ნათქვამია, რომ გიორგი ჩორჩანელმა „უბრძანა ერთსა ვისმე მონათა განსა: წარვედ მსწრაფლ, ცანდალი საქმისა ამის და მაუწყე ჩუენ; ხოლო წარვიდა მყის ყრმა იგი“ ანდა — „მოუწოდა ერთსა ყრმა თა განსა: წარვედ მას: მივედ, ძმაო, და არქუ“ მათ. რომ აქ სიტყვა „ყრმა“ სოციალური ტერმინია, აღმნიშვნელი იმისა, რასაც ჩვეულებრივ „ყმა“ ეწოდება, და არა ასაკისა, ბავშვის, მაჩვენებელი, ჩანს იქიდან, რომ ამ „ყრმას“ თითქმის ყოველ ნაბიჯზე „კაცი“ ეწოდება, მას მიმართავენ სიტყვით „ძმაო“ და არა „შვილო“. სათქმებელია, რომ „ყმა“, რომლის პირანდელ, უცველეს ფორმად „ყრმა“ ჩანს, როგორც სოციალური ტერმინი, უფრო ძველია, ვიდრე ე. წ. პატრონუმობის პერიოდი ჩვენი ისტორიისა (მე-10 საუკუნიდან), ას, აღბათ, იმამრებოდა პარალელურად ტერმინისა „მონა“; ყოველ შემთხვევაში, ბიბლიაში არის ისეთი ადგილები (მაგალ. ისაია 44, 21), სადაც „ყრმა“ „მონის“ მნიშვნელობითაა ნახმარი (И. Д ж а в а х о в, Государственный строй древней Грузии и древней Армении, с. 73). ამავე მნიშვნელობით ეს ტერმინი ნახმარი უნდა იყოს იგრეთვე მეცნიერებულ საუკუნის ძეგლში, რომელსაც „შუშანიის მარტვილობა“ ეწოდება; ვტორი მისი, იაკობ ხუცესი გადმოგვცემს: მე და შუშანიკი ვლაპარაკობდით იმის შესახებ, დაუბრუნოთ თუ არა ვარსქენს სამკაულები; „და ჩუენ რა ამას ვანვიზრახევადით, მოვიდა ყრმა აერთი“ და გაღმომცა ვარსქენის ბრძანება მასთან გამოცხადების შესახებო (ს. გორგაძის გამოცემა, გვ. 9 — 10)¹⁶. ცხალია, ვარსქენ პიტიახში პასუხსაგებ დავალებას და მინდობილობას ბავშვს ვერ მისცემდა.

მე ტერმინთან დაკავშირებით თხზულებაში ყურადღებას იცყრობს ტერმინი — ჭაბუკი; იქ ნათქვამია: „მაშინ გიორგი მოუწოდა ვისმე ჭაბუკა ჰასაკითა, რომელ არს ძალითა“. ჩვეულებრივი გაეგით „ჭაბუკი“ ნიშნავს ახალგაზრდას, ძალონით სავსე ადამიანს, იმას, ვისაც რუსულად, მაგალითად, იონიშა ეწოდება; ამ აზრითა და მნიშვნელობით ეს სიტყვა ნახმარია აღნიშნულ შემთხვევაშიაც. მაშ რაღა-საჭირო იყო მისთვის მიმატება განმსაზღვრელი სიტყვებისა: „ჰასაკითა, რომელ არს ძალითა“? ამ მიმატებით ავტორს უნდა გვაჩვენოს, რომ მის დროს სიტყვა „ჭაბუკი“, გარდა ახალგაზრდა ადამიანისა, სხვა რამესაც აღნიშნავდა, და, ცნებათა აღრევა რომ აცილებული ყო-

¹⁶ აღბათ, აქედან წარმომდგარა ტერმინი „მეყმე“, ყმათა მფლობელის აზრით, რომელიც, პროფ. ა. ცაგარლის ცნობით, გვხვდას სინა მთის 8—9 საუკუნეშეწერში № 74, სახელდობრ, ევსტათი პლაკიდას „წამებაში“.

ფილიუო, სიტყვისათვის დაურთავს საჭირო განმარტება. ეს სხვა აზრი
ტერმინისა არის მისი სოციალური შინაარსი, რომელიც ორგვარი
ყოფილა. „ჭაბუკი“, როგორც სოციალური ტერმინი, პირველ ყოვლისა
აღნიშნავდა იმას, ვისაც მომდევნო საუკუნეთა მხატვრულ ლიტერა-
ტურაში, „რაინდი“ (рыцары) ეწოდება; ასეთი აზრით ხმარება ამ ტე-
რმინისა ჩვეულებრივია „ვეფხისტყაოსანში“, მაგრამ უფრო ნიშან-
დობლივად ის ხმარებულია „ამირანდარეჯანიანში“. იქ ლაპარაკია,
სხვათა შორის, იამან ჭაბუკის შესახებ (გვ. 31): „მოგვეგება წინა
იამან ჭაბუკი, კაცი ბერი და შვენიერი, ჰევანდა, რომე ყოფილიყო ლომი
ჭაბუკი“; ის თავისთვზე ამბობს; „მე ბერიკაცი ვარ და აღარ ძალ მისს
ომნი მტერთა ზედა, თორებ ვიმოწმებ ღმერთსა, რომე ჭაბუკობის-
თვის არავისი მინდოდის ქენება“ (გვ. 32). ამიწერილ ადგილებში
„შერი“ ასაკის, მოხუცებულობის აღმნიშვნელია. ქედან, ცხადია,
ყოვლად შეუძლებელი იყო თქმა „იამან ჭაბუკი, კაცი ბერი“, ჭაბუკა
რომ ასაკის, ახალგაზრდობის აღმნიშვნელი იყოს. ამრიგად, ჭაბუკი
კი, რეგორც სოციალური ტერმინი, აღნიშნავდა იმ პირს, რომელიც
პროფესიულ „რაინდთა“ კორპორაციას ეკუთვნონდა; „ამირანდარეჯა-
ნიანის“ აგტორს სურს თქვს, რომ დღეს უკვე მოხუცებული, დაბერე-
ბული იამანი პროფესიით ჭაბუკი ან რაინდია. მეტრე მნიშვნელობა ამ
სიტყვისა, როგორც სოციალური ტერმინისა, მდგომარეობს იმაში,
რომ ის აღნიშნავდა საერთოდ „თავისუფალს, აზნაურს“, იმას, ვი-
საც ჩვეულებრივ არისტოკრატთა და „კეთილშობილთა“ წოდებას
აკუთვნებდნენ, მიუხედავად იმისა, შედიოდა ის რაინდთა კორპორა-
ციაში თუ არა. ალბათ ამ აზრით ეს სიტყვა ეხმაურება უცხოელთა
ტერმინს „ჯამუკ“, რომელიც ბუქარელთა და თურქთა მიერ „არი-
ტოკრატის“ მნიშვნელობით იხმარებოდა თურქე (B. Бартолъд,
Туркестан в эпоху монгольского нашествия, II, стр. 183, прим.
3; Н. Марр, Вступительные и заключительные строфы, с.
XXX, прим 1). ამ მნიშვნელობით ეს სიტყვა დამოწმებულია გრიგოლ
ხანტევლის „ცხოვრებითაც“, სადაც მოთხრობილია შემდეგი ეპიზო-
დი: „იყო სამცხეს შვილი საჩინო სა ვისიმე კაცისა ზენონ“;
მას სახლში ჰყავდა გაუთხოვარი და, რომელიც „შეაცოუნა ვინმე უკა-
თურმან კაცმან“. უცონმა გადაწყვიტა შურისძიება და ერთხელ დაც-
დევნა კიდევაც უკან ამ კაცს, მაგრამ გზაში ხელი აიღო ასეთს განჩრახ-
ვაზე შემდეგი მოსაზრებით: „ვარ მე ჭაბუკ სახელოვან და რომელსა
ცხდევ; ფრიად შეურაცხ არს“, ამიტომ არ შემშვენის მე იმას თავი გა-
უყადროვო (გვ. იზ—იც). ჩანს, წარმოშობითა და გვარიშვილობით ზე-
ნონი უფრო „სახელოვანი“ და „საჩინო“ ჭაბუკი ყოფილა, ვიდრე მისი
დის შეურაცხმყოფი კაცი, ამიტომ წოდებრივ-არისტოკრატიულ თავმო-
ყვარეობას ნება არ მიუცია მისთვის გამქლავებოდა შედარებით და-

ბალ საფეხურზე მდგომ „ჭაბუქს“. ვამბობ „ჭაბუქს“ შეთქი, რადგანც ეს კაციც, უკველია, არისტოკრატიულ გვარს ეკუთვნოდა: შეუძლებელია ვიფიქროთ, რომ დიდისა და „საჩინო“ არისტოკრატის ზენონის დას სამიჯნურო კავშირი გაებას მდაბიოსთან, — გლეხთან თუ მონასთან; ამტომ მართალი არ უნდა იყოს ნ. მარი, რომელსაც ზენონის „ჭაბუქობა“ მიაჩნია არა გვარიშვილობის საზოგადოდ, არა მედ პროფესიული რაინდობის აღმნიშვნელ ტერმინად (Вступительные и заключительные строфы, с. XXXI). პროფესიულ რაინდობაზე ლაპარაკი მეცხრე საუკუნეში ნააღრევია.

ამრიგად, ტერმინი „ჭაბუქი“ ქველად სამი მნიშვნელობით იხმარებოდა: მეცხრე — მეთე საუკუნეებში ის აღნიშვნებით ადამიანის ასაკს, — ახალგაზრდობასა და, ზოგიერთს შემთხვევაში, ბავშვობასაც (იხ. ზემოთ გვ. 59, შენიშვნა), — და მეტად არისტოკრატიულ წარმოშობას საზოგადოდ; მეთერთმეტესა და შემოცეს საუკუნეებში მას მიეცა მესამე მნიშვნელობაც, — პროფესიული რაინდისა.

ასეთია სოციალური დიფერენციაცია სამცხის ფეოდალური საზოგადოებრიობისა სერაპიონის „ცხოვრების“ მიხედვით; როგორია, ამ თხზულებით, სოციალურ ძალთა ურთიერთობა და გაწმყობილება? ამ შერივ უფრო რელიეფურად თხზულებაში წარმოდგენილია დამოკიდებულება ეკლესიასთან გლეხთა და საერო ფეოდალური კლასისა.

მეცხრე საუკუნე ის დრო იყო, როდესაც ეკლესია, განსაკუთრებით კი მისი შავი ფრთა, — ბერმონაზვნობა, დექტატორის როლში გამოიიდა ჩვენს ქვეყანაში, ის თავის ბუნებრივს ფარგლებს სცილდებოდა და იმაზე ოცნებობდა, რომ საზოგადოებრივპოლიტიკური ცხოვრებაც თავისი კონტროლის ქვეშ დაეყენებინა. ასეთი მისწრაფება ბასილის თხზულებაშიაც ჩას. სამცხის მღვდელთმოძღვარი, გიორგი მაწყვერელი, ხორჩანელ-ფარაუნდიანთ გვარში ატეხილი სისხლის მღვრელი უთქმების დროს, რომელმაც, ჩანს, მოელი ის კუთხი ააფრიაქა, გამოიდის საერო ფეოდალის, დიდი მთავრის, ფუნქციებით და მშვიდებას იმყარებს იქ; „კელთიდვა რა განგებად სამცხისად“, ნათქვამისა თხზულებაში, გიორგიმ, „დააწყარა ყოველი საბრძნებელი თვისი, ვითარცა წეს იყო... და დასცხრეს და დადუმნეს ყოველნივე შფოთნი და უწესოებანი მღდელთმოძღვრის გიორგის მიერ“, ამბობს იგტორი. რაღა უნდა ვთქვათ მაწყვერელის შესახებ, როდესაც ისეთი უბრალო ბერებიც კი, როგორც ცუკნენ სერაპიონი და მისი თანამეგზავრნი სამცხეში მისვლისას, ისინიც კი ანგარიშს არ უწევენ დიდი მთავრის გიორგი ხორჩანელის განსახახვას და თავის სურვილს უკარიანებენ მას, და ეს მაშინ, როდესაც გიორგის პირიდან ესმით: „საქმენი ესე“, რომლისათვის თქვენ აქ მოსულხართ, „თვენიერ ჩემსა არა წარემართებიანო“. გიორგის არ უნდა ბერებმა მონასტრის შენება

დაიწყონ იმ ადგილს, რომელიც მათ აურჩევათ, ის უჩვენებს მათ სხვა, უფრო მოხერხებულ ადგილს და ემუდარება — იქ ჩაუყარონ საფურცელი სასურველ შენობას. ბერებს გაგონებაც კი არ უნდა ამისი, ისინა მედიდურად ცუბნებიან მას: „ნუ გუაძულებ დატევებად ადგილსა ამას და სხუად ცვალებად, რამეთუ აე ვერ ეგების ჩეენ მიერ“. ასე რომ, ეს დიდებული მთავარი „მოიდრიკა და დაღუმნა... და წარვიდა მწუხარე“ სიტყვებით: „არა თურე ლირს ვიყავ ლოცვასა თქვენსაო“. მაგრამ ყველა გიორგისავით არ „იდრიკებოდა“ და არ „დუმდებოდა“: ის მორალური და ამასთან ერთად ეკონომიური პრესი, რომელიც კისერზე დაადვა საეკლესიო-სამონასტრო დიქტატურამ იმ-დროინდელ საზოგადოებას, აუტანელი ხდებოდა და პროტესტს იწ-ვედა. ბასილის თხეულება იმითაც არის საყურადღებო, რომ, თუ გნებავთ, ერთადერთია იმპროინდელ ლიტერატურაში, რომელშიაც ამ პროტესტის ხმა გვესმის. ანონშნული დიქტატურა იმდენად მძიმე გამხდარა ფეოდალური კლასის ზოგიერთი წარმომადგენლისათვის, რომ ისინი ყოველ ღონისძიების თავისი საბრძნებელი და თავი დაცვან დაუპატიჟებელი სტუმრებისაგან. როდესაც სერაპიონს და ის თანამგზავრთ პირველიდ შეულგამზ ფეხი სამცხეში, შეჩერვ-შულან ერთ ადგილს, რომელსაც ძინძებოდა, და განუზრა-სებ ცე მინასტრის აშენება. იმ ადგილის „უფალთ“ ან ბატონებს რომ გაუვათ, რომ მათს საბრძანებელში მისულან ბერები მონასტრის ასშენებლად. „არა ინებეს“ ეს, „ამრსთვეს ზედამეტეტვენ“, მათ“ და გააცეცეს იქცინ. ასეთივე ორასასურველი სტუმრები გამხდარან სე-რაპიონი და მისი თანამგზავრნი გორგი ჩირჩხანელის საბრძნებელში. იმ სოფლის მცხოვრებთათვის, რომელსაც საძმო ეწოდებოდა. როდესაც მათ დაინახეს, რომ ბერები სამონასტრო ადგილს ათვალი-ერებდნენ, „იწყეს ყენებად მათდა და, ვითარცა ცოფნი, წინარბიო-დეს“, ესე იგი ძალას ხმარობდნენ და ნებას ან აძლევდნენ მათ განე-ტრი ადგილის შემოვლა და დათვალიერება, ვინაიდან დარწმუნე-ბული იყვნენ. რომ მონასტრის აშენების შემდგრ საუკეთესო ადგილ-მამულები ბერებს ჩაუვარდებოდათ ხელში და მათი, გლეხების, ისე-დაც შევაწროებული მდგომარეობა უფრო აუტანელი გახდებოდა. აქედან, როგორც იყო, ბერებმა თავი დააღწიეს. მაგრამ როდესაც მივიღდენ ე. ჭ. სათა ხვის ტბასთან, ახალ უსიამოვნებას წააწყდ-ნენ: მათ წინ გადაელობნენ ტბასთან ჩასაფრებული მონადირენი, რო-მელთაც ისინი უხეშად და უკმეხად „გარეუკუმრაქციეს“, ესე იგი — გამოლალეს იქიდან, რაო-და „მზა არან მონადირენი ადგილთა ამათ, რათა არა იქმნას ცომიად მათი თქვენ მიერო“. ბერმონაზვნური რედოლოგის მატარებელსა და მოტრფილე აეტორს, ბასილს, ვერ მოუნელებია ბერების ასეთი შეურაცხყოფა და ის შეურაცხყოფის მი-

მყენებულ მთავრებს, გლეხებს და მონადირეებს არა მარტო „ცოფს, უკეთერს და მხეცს“ ეძახის. არამედ სამაგიეროსაც მიაგებს ღვთისა-გან; მისი გადმოცემით, ღამე, სასწაულებრივ, განიპოვლივ, მაყენე-ბელი ტბისა, რომელმაც სულერთიან წალეკა იქაურობა, ისე რომ კვა-ლიც აღარ დარჩა დაბისა და მისი უხეში და უგუნური მცხოვრებლები-სა. სწორედ ამაში უნდა ვეძიოთ „სოციალური დაკვეთა“ თხზულებისა, როგორც კლასობრივი ბრძოლის მკვეთრი იარაღისა; ის ღვთაებრივი ტერორის ქვეშ აყენებს ყველას. ვინც ბერმონაზენებისადმი უყურად-ლებობასა და გულგრილობას იჩენს და ამით იდეოლოგიურ ბაზს ჰქმის სასულიერო წოდების საზოგადოებრივ-ეკონომიკის ყოფის განსამტკიცებლად.

ამგვარად, ბასილის თხზულება თავისებური მატიანეა მეცხრე სა-უკუნის არა მარტო სამონასტრო-სამოქალაქო კოლონიზაციისა, არამედ კლასობრივ-იდეოლოგიური ბრძოლისა ჩვენში, კერძოდ სამცხეში.

თხზულება საშუალებას გვაძლევს რამდენადმე მანც გავითვალისწი-ნოთ ეკონომიკური მდგომარეობა სამცხისა მეცხრე საუკუნეში¹⁷. სამცხე, დასერილი „ქედთა მიერ მაღალთა და ოლიტონთა“, უმეტეს ნაწილად დაფარულია ულრანი ტყეებით, რომელთა „სიკუობაგან აღარა იხსლებოდა ცად ანუ მზისა შარავანდები“. ეს მხარე ჩვენი ქვეყნისა ჯერ კიდევ არაა მჭიდროდ დასახლებული, ქაური „ადგილინა არიან მცირედ კაცრიელნი“, აქა-იქ გვხვდება „მცირე რამე დაბები“, რომელთა შორის მისვლა-მოსვლა შესაძლებელია „იწროესა მიერ და ფრიად საჭირველისა გზისა“. ადამიანს იქ შეუძლია იხილოს მხო-ლოდ „მცირენი რამე ყანობირნი“, ესე იგო— დამუშავებული მამული, სახავაქსათესი. ამისათვის მიწათმოქმედების შემდეგ მესაქონლეობა შეიძლებოვანი დარგი უნდა ყოფილიყო სახაოხი მეურნეობისა; ყო-ველ შემთხვევაში, გიორგი ჩორჩაშვილის ანდერში, რომელიც მას ზარჩმისათვის დაუტოვებია, ყურადღებას იპყრობს „სიმრავლე საკუ-დართა და მროწეულთაა“. ვთიქმობ, რომ არც ნაფირობას ეჭირა ნა-კლები დაგილი იქაურ ეკონომიკაში; ბუნება ხელს უწყობდა იმას, რომ ცეროჭას, მაგალითად, იყო „სიმრავლე თხათა და სხუათა ნადირ-თა ველურთაა“, ხოლო ერთს პუნქტს „ბაკთა“ ეწოდებოდა, რადგა-ნაც ის იყო „შესაკრებელი ნადირთა ველისათაა“: ტბაში, რომელ-საც სათა ხვევე ეწოდებოდა, იყო „სიმრავლე თაჯუთა და სხუათა ნადირთაა“. თხზულებაში ნათქვამია, რომ დიდი მთავარი გიორგი ჩორ-ჩაშვილი „უმრავლესთა უმთა ინადირობნ“ და ცხროჭას „არეთა ეშენა

¹⁷ რაღანაც „დიდი მთავრის“ გიორგი ჩორჩაშვილის საბრძანებლის „სივრცე საზოგადო-ერცოლ და მრავალ იყო“, რაღანაც ის შეტავდა სამცხის მნიშვნელო-ვანსა და ღიღ ტერიტორიას, ამიტომ მისი მიხელვით ჩვენ საერთოდ მოელი სამ-ცხის შესახებ შეგვიძლია გმისჭელოთ.

სახლი, რომელ თუ ოდესმე ეწიოს ღამე, სადგურ ყვით მას შინა სიბნელისათვეს ღამისა და უვალობისა და სიკომება ტყეთაძესა“. თუ გიორგისათვის ეს ნაღირობა იქნებ უბრალო სპორტსაც წარმოადგენდა, ეს არ შეიძლება ითქვას იმ პირთა შესხებ, რომელნიც იქრიბებოდნენ სხვადასხვა სანახებიღან სათახე ტბაზე, ვითარცა „მდევარნი ნაღირთანი და ურთიერთას მდევარნი, რომელნი კლვადცა მზა არიან თვეულისა“.

არც ფულადი მეურნეობა ყოფილა ამ მხარეში საცხებით უცნობი; ყოველ შემთხვევაში, ს. დარღუაში მცხოვრებ გლეხს, რომელიც მერე ზარზმაში ბერად შედგა, შეუკრებია სამას ხუთი ბიზანტიური ღრაჟყანი (ღრაჟყანი ოწონიდა $1\frac{1}{15}$ მისხალ ოქროს) „ოქროსაგან თლილისა და წმიდისა“. თხზულებაში ნაჩვენებია გზა ამ ფულის შეძენისა; ამ კაცისათვის მის უფალს ან ბატონს საგანგებო საქმე მიუჩენია: „იყო კაცი იგი საჯმარ და მსრბოლ გზათა შორთა“, ესე იგი ის იგზავნებოდა ხოლმე შორეულ ქვეყნებში და, უეჭველია, ასეთი მისულა-მოსულისას იძენდა ფულს; ამას ისიც გვაფიქრებინებს, რომ მის მიერ შეძენილი ფული, „სახითა პირველთა მათ მეფეთადთა“, ბიზანტიური იყო.

ნათქვამიღან ნათელია, თუ რაოდენ დღიდა მნიშვნელობა ბასილ ზარზმელის თხზულებისა, მასში, როგორც სარკეში, მოჩანს სამცხის ყოფა-ცხოვრება მეცხრე საუკუნისა.

სხვათა შორის, საყურადღებო ცნობებს გვაწვდის ის ქართული ხელოვნებისა და ქართული სამართლის ისტორიისათვის. ხელოვნების ისტორიისათვის მნიშვნელოვანია შემდეგი ცნობა. რაღაც „ქვანი მათ ადგილთანი ტყეთაგან დაფარულ იყენეს“, ზარზმის თავდაპირველს, ძველს ეკლესიას აშენებდნენ უბრალო რიყის ქვისაგან, რომელსაც „ჭირით და შრომით მდინარისა მისგან მოიღებდეს“. შემდეგ ამ მიზნობრივობისათვის, თანახმად გიორგი ჩორჩანელის ჩენებისა, დაუწყის სოფ. უმწაოდნ ზიღვა მიწისძვრისაგან დანგრეული ეკლესიის ქვისა; რომელიც გამოუყენებით უმთავრესად „კუთხთა და კამარათათვეს“. ამ ეკლესიის შენებისას „ხუროთმოძღვარ და ზედამდგომელ საქმისა“ იყვნენ აღვილობრივი ოსტატები, სერაპიონის მოწაფენი. ეს ეკლესია, უეჭველია, იყო უბრალო ბაზილიკა, ხოლო, როდესაც მესამე წინამდღვრის, მიქელის, ღროს იწყეს ახალი, დიდებული ტაძრის შენება, მიქელმა „მოუწოდე კელვნებით განთქმულსა კაცსა ქულყანისაგან ბერძნთასა, აღვილისაგან ხუთათ წოდებულისა, რომელსა თანა-შემწედ აქუნდა გალატოზი, სახელით შუარტყელელი; და ესე ორიგენი ეყვნეს მოძღვარ და მასწავლელ სიმრავლესა მუშაკთასა“. დასდევს საფუძველი, ამიტყვანეს ხარისხი და მთავარ კორპუსთან ერთად წყეს შენება შტოსა; როდესაც შენობა სარკმლამდე ან ფანჯრა-

რდე აიყვანეს, გამოქანდაკებით გამოხატეს კულტზე წინამძღვანი მიქელი, ძარღულელი ბერი, რომელმაც 305 დრაპეზი შესწირა ამ საქმეს, და ორი გალატოზი. მიქელის დროს ეკლესია „აღმდევნი ვიდრე სამეურე-მდე“ და დასრულდა შემდეგი მამასახლისის პავლეს დროს. ყველაფე-რი ეს ფრიად დამახასიათებელია ძველი ქართული ხელოვნების, კერ-ძოდ, სუროთმოძღვრების ისტორიისათვის.

ქართული სამართლის ისტორიისათვის განსაკუთრებით საყურად-ლებოა ის ცნობა, რომ გიორგი ჩირჩანელის დისტვილებმა, რომელ-თაც გიორგიმ, უშვილობის გამო, მთელი თავისი ქონება დაუტოვა, მოკლეს თავისი სიძე, დის ქმარი, რაგანაც მან მათი დისათვის და თავისი ცოლისათვის ამ ქონებიდან ნაწილი მოითხოვა; თავის მოთ-ხოვნილებას ის ასე ასაბუთებდა: „ნაწილ-უც მამულსა თანა თქუენსა დასა ამას თქუენსა, ვინა ათ გან თ ქ უ ე ნ ც ა დ ე დ ი ს ა მ ი ე რ გ ა ქ უ ს“. ეს აღგილი გვიჩვენებს, რომ ქალს გათხოვებისას მშობ-ლების ოჯახიდან, ალბათ მზიოევის სახით, თავისი წილი გაპქონდა, წინააღმდეგ შემთხვევაში გაუგებარი იქნებოდა ამ კაცის მოთხოვნა და არგუმენტაცია. მაშასადამე, იმ დროს, მე-9 საუკუნეში, მზითევი სიძეს კი არ მიჰქონდა ქალის დედ-მამასთან, პირიქით—თვითონ მიჰქონდა ამ უკანასკნელთაგან. მოკლული კაცის ცოლი გათხოვილი ქალს მოითხოვოს წილი იმ ქონებიდან, რომელიც მისმა მშობლებმა მისი გათხოვების შემ-დეგ ამა თუ იმ გზით შეიძინეს? ამ საკითხის გამო, ნათქვამია თხზუ-ლებაში, „იქმნა სიტყვასება ურთიერთას“, რომელიც, როგორც ჩანს, არა იურიდიულ ნორმას, არამედ ხმალს გადაუწყვეტია.

იმ დროს ჩვენში მოქმედი სამართლის გასათვალისწინებლად მე-ტად საყურადლებოა ეპიზოდი ბატონის ნებადაურთველად ბერად შე-მდგარი ძარღულელი გლეხის შესახებ. როდესაც ეს გლეხი დარწმუნდა, რომ მას სოფლელები და ბატონი ნებას არ აძლევდნენ უკანვე დაბ-რუნებულიყო მონასტერში, მან აიღო ხელსახოცში გაკრული 305 დრაპეზი და, რაც ღონე ჰქონდა, მოკურცხლა. ბატონის მდევარი გამოუღნენ უკან, მაგრამ ვერ დაეწივნენ; „ვითარცა შევიდა კაცი იგი მონასტრად და მდევარნიცა იგი უკანა მისსა და ვითარცა ენება, რათა შეიპყრან და წარულონ, რაც იგი აქუნდა“, ბერმა, როგორც იყო, მი-ასჭრო ეკლესიის ფანჯრამდე და შეაგდო შიგ, რაც ხელში ჰქონდა. მდევარნი განიარაღებული დარჩენენ: მათ არც ბერზე მიუწვდებათ ხელი და, მით უმეტეს, არც ეკლესიაში შეგდებულ ფულზე. ისინი წინამძღვანი ესვეწებიან გაულოს მათ კარი, „რათა წმიდასა მას თაყუ-ნისცენ და მათცა იხილონ, რაც იგი შეეწირა ევლოგიად კაცსა მას“. ამ შემთხვევაში ჩვენ საქმე გვაქვს ეკლესის იმ პრივილეგიასთან,

რომელიც რომ-საბერძნეთის იმპერიაში ცნობილი იყო jus asyli-ს სახელშოდებით და რომელიც იმაში მდგომარეობდა, რომ, თუ დამნაშავენი, მოვალენი, განსაკუთრებით კი მონები, რომელიც ბატონს გაურბოდნენ, მოასწრებდნენ ეკლესიის ეზოში, მით უმეტეს, თვით ეკლესიაში შესვლას, იქ ჰპოულობდნენ საიმედო თავშესაფარს და ხელ-შეუხებლად ითვლებოდნენ. აღნიშნული პრივილეგია, რომელიც პრაქტიკულად მეოთხე საუკუნიდან გამოიმუშავა ცხოვრებამ, კანონმდებლობითი გზით ოღიარებულ იქნა იმპერ. თეოდოსი მეორის ღრის (431 წ.). ჩანს, ასეთი რამ ჩვენშიაც ყოფილა ცნობილი და ამით აიხსნება, რომ მდევარნი, რომელთაც გლეხმა მონასტრის ეზოში შეასწრო და ეკლესიაში ფული შეაგდო, ხელს აღარ ახლებენ არც მას და არც ფულს.

არ არის ჩვენი ძეგლი მნიშვნელობას მოკლებული ძველი ქართული ლიტერატურის ისტორიის თავალსაზრისითაც. მე ამ შემთხვევაში მხედველობაში მაქვს არა ის გარემოება, რომ ძეგლის გადაკეთებისას, მე-11 საუკუნეში, დადასტურებულია არსებობა ქართულ ენაზე ისეთი თხზულებებისა, როგორიცაა „ცხოვრება“ პაკლე თებელისა, ანტონი ღიდისა, მაკარი ეგვიპტელისა, ექვთიმე ღიდისა, საბა განწმედილისა, გერასიმე იორდანელისა, ილარიონ ღიდისა, თეოდოსი ღიდისა, ხარალამპისა და გიორგი აკრაფანტელისა, — ეს სხვა წყაროებიდანაც ცნობილი იყო,—არამედ ის უაღრესად საყურადღებო ფაქტი, რომ თავის ღროშე მე-9 საუკუნის მეორე ნახევარში, დაწერილი ყოფილა „ცხოვრება“ ღიდი მეუდაბნოს მიქელ პარეხელისა მისი მოწაფეების მიერ. უეჭველია, ამ თხზულებაში, ისე, როგორც ბასილ ზარზმელისა და გიორგი მერჩულის ახალოგიურ შრომებში, გაშლილი იყო საინტერესო კაბალონები სამცხე-კლარჯეთის სამონასტრო-სამოქალაქო კოლონიზაციის ისტორიისა, და მით უფრო სავალოა, რომ ამ თხზულებას ჩვენამდე არ მოუღწევია: ჩანს, ის უკვე მე-11 საუკუნეში იყო დაკარგული, ვინაიდან, როგორც ზემოთ აღვნიშნეთ, მეტაფრასტი მიქელის შესახებ ცნობების გადმოცემისა ამ თხზულებით კი არ სარგებლობს, არამედ „მამათაგან“ მომავალი გადმოცემით.

დასასრულ, თხზულება საყურადღებო მასალას შეიცავს სამცხის ისტორიულ-არქეოლოგიური და გეოგრაფიული შტუდებისათვისაც. აქ მოცემულია ცნობები სამცხის ორი ღიდი ფეოდალური გვარეულობის წარმომადგენელთა შესახებ, ესენია: 1) ღიდი მთავარი გიორგი ჩორჩანელი, მისი დაი ლატანი. მონაზენობაში თეკლა, და შვილები — სულა, ბეშქენ და ლაკლავი; 2) ღიდი მთავარი მირიანი, ძე ბეშქენ ფაქლაუნდისა, იოანეს ძისა, რომლის გვარმა, ხურსიქემ, ღაიმკვიდრა, გიორგის გარდაცვალების შემდეგ. ჩორჩანელ-ჩორდვანელობა და ისე-

თი გამოჩენილი მოღვაწეები მოგვცა შემდეგში, როგორიც იყვნენ ივერიის სავანის გაშენებელნი იოანე, ოთრნიკე და ექვთიმე ათონელები (კ. დ ე კ ე ლ ი ძ ე, ქართული ლიტერატურის ისტორია, 1, 103). ისტორიული თვალსაზრისით საყურადღებოა ის დღილი თხზულებისა, სადაც ნათქვამია, რომ მიქელმა ზარზმის ახალი ტაძრის ასაშენებლად ხუროთმოძღვარი მოიწვია „ქუეყანისაგან ბერძნთანად, ადგალისაგან ხუფა ათ წოდებულისა“. 1913 წელს მე პირველად გამოვაჩვეუნე დანიელ მესვეტის „ცხოვრებიდან“ ერთი ადგილი, სადაც ნათქვამია, რომ ჯერ კიდევ მეხუთე საუკუნეში, იმპერ. ლეონ დიდის დროს, ბერძნთა და „მეგრელთა“ შორის დადებულ იქნა „საზღვრად ციხე ხუფათი“ (Христ. Восток, II, 188). როგორც ვხედავთ, ბერძნთა მფლობელობაშია ეს ციქუ-ადგილი ბასილის დროშაც (9-10 საუკ.), ის თავისებური ხიდი ყოფილა ბერძნ-ქართველთა პოლიტიკურ-კულტურული ურთიერთობისა¹⁸.

თხზულებაში წარმოდგენილია დაწვრილებითი ისტორია სამცხე-ში სამონასტრო მშენებლობისა და მოსხენებულია რამდენიმე მონასტერი, რომელთაგან ზოგი კლარჯეთშია და გიორგი მერჩულის შრომაშიც გვხდება, მაგალითად, პარეხი და ოპიზა (მათი მშენებლების დასახელებით), ზოგი კი სამცხეშია: ზარზმა, ზანავი (ჭურდიასა და ამასპოს მიერ აშენებული) და იოანეშვილიდა ყველის ხევს, აშენებული სერაპონის უმცროსი ძმის იოანეს მიერ. თხზულებაში თვალშინ გვეშლება მთავრიანი, ღრმა ხევებით დასერილი და ულრანი ტყით დაბურული რელიეფი სამცხისა, მისი პირველყოფილი ბუნება და მთელი რიგი გეოგრაფიული პუნქტებისა, როგორიცაა: ბაკოა, ბერას ჯუარი, ბობლა, გოდერი, ზანავი, ზარზმა, სათახვე, სამმო, უმწა, უტყვი, ყველის ხევი, შეშათა თავი, შუარტყლი, ცხროჭა, ჩორჩანი, ძარღუა და ძინძე. ზოგი ამ პუნქტთაგანი დღესაც ცნობილია სამცხეში, გაგალითად, გოდერი, ზანავი, ზარზმა, უმწა, ჩორჩანი, ძინძე, ზოგი კი საძიებელი და აღმოსაჩენია. საერთოდ ცველი სამცხის ისტორიულ-არქეოლოგიური და გეოგრაფიული შესწავლა, რომელიც კარგა სანია დაწყებულია ახალს სამეცნიერო-კულევითსა და მატერიალურ პირობებში, გაგრძელებას თხოულობს, ამისთვის დღეს, ბასილ ზარზმელის სახით, საუკეთესო და სანდო ბედეკერიც მოგვეპოვება.

¹⁸ სხვა საკუთხია, თუ რა მოსახლეობა იყო იმ დროს ხუფათში. პოლიტიკურად ის ბერძნთა ქვეყანაა. არამც თუ იმ დროს, მე-11 საუკუნეშიც ხუფათი ბერძნთა მფლობელობაშია; მემატიანე გამოგვცემს, რომ ბაგრატ მეოთხემ 1046 წელს თავისი ჯარი „მოაყენა ხუფათს, დაუდგეს ფილაკვანი და ბრძოლესო“ (ქართ. ცხოვრ., მარიამ., გვ. 261).

თემატიკათვის

როგორც უკვე ვთქვით, ის ერთადერთი ხელნაწერი, რომელშიაც შენახულია ბასილის ობზულება, მეტად დაზიანებული სახით წარმოგვიღებს ამ შრომას; ზემოთ აღნიშნული იყო, რომ ობზულებაში დარღვეულია მოთხრობის წესი, ჯერ კიდევ აღქვეტიპში რვეულებისა და ფურცლების აღრევის გამო. ეს ნაკლი შედარებით ადგილი გამოსასწორებელი აღმოჩნდა, სამაგიეროდ უძლური ვხდებით იქ, საღაცლაპარაკია სერაპიონის აბიზაში გამოვლის შესახებ („და ვითარცა დაყვეს დლენი რავდენნიმე... ხოლო ვითარცა იყო წმიდად იგი მდაბალ“); აյ თხებულებას, უკველია, რაღაც აკლია, არა ერთი სიტყვა გინა თუ წინადადება, არამედ მთელი აბზაცი, შეიძლება თავიც, რომლის აღდენა დღესდღეობით შეუძლებელია. გარდა ამისა აქა-იქ წინადადებას აკლია სიტყვა, ურომლისოდ აზრი მისი გაუგებარი ხდება, ხოლო სიტყვას — ესა თუ ის მარცალი ან ასო; ასეთი ნაკლულევანი ადგილები ჩემ მიერ შესწორებულია და კვალრატულ ფრჩხილებშია [] ჩასმული.

დამახინჯებული ადგილები. საუკუნეთა განმავლობაში, გადაწერის პროცესში და გაუგებრობის ნიადაგზე, ესა თუ ის ადგილი იმდენად წარყონილა და დამახინჯებულა, რომ მოთხრობის აზრს აბნელებს და მის გაგებას აძნელებს. ზოგიერთი ასეთი ადგილი იმდენად ადგილი შესასწორებელია, რომ სპეციალურად მათზე შეჩერება საჭირო არაა. მაგალითად, ხელნაწერში ყველგან „მოწლედ“-ს (მოწადინებით, მხიარულად) მაგიერ „მოწილედ“ წერია; სამაგიეროდ არის ისეთი ადგილები, რომელთა კონიექტურა განმარტებას თხოულობს. ასეთებია:

1. „ამისათვე განიხაროს გულმან ჩემმან და გალობდა ენა ჩემი“; ფსალმუნის ამ ადგილას (15,9) „განიხარა“-ს კითხულობთ, როგორც ქართულს, ისე სხვა ენებზე არსებულს ტექსტებში; არ შეეძლო ეს ადგილი ამოეკითხა ავტორს რომელსამე ძველს ვერსიაში, რადგანაც „გალობდა“ გულისხმობს, რომ საცილობელი ზმნაც უნდა იძლეოდეს „განიხარა“ ფორმას.

2. „ვითარცა წერილ არს კაცთა მათ-თვეს გერგესეველთა“; „გერგესეველთა“-ს ნაცვლად უნდა დაიწეროს „ნაზარეველთა“, რადგანაც სახარების შესაფერ ადგილას (ლუკ. 4,29) მოქმედ პირებად გამოყვანილნი არიან ნაზარეველნი და არა გერგესეველნი.

3. ვიორგი ჩორჩანელი და მის ამაღლაში მყოფი მთავრები საღამოს, გამოთხვების ჟამს, სერაპიონსა და მის მხლებლებს დახმარებას აღუთქვამენ მონასტრის შენებაში, რისთვისაც მათგან დიდ მადლობას ღებულობენ. ამის შემდეგ ვკითხულობთ: „და მთავარი იგი კლდესა მას

ზედა განათიეს“. რასაკვირველია, ეს ფრაზა, რომელშიაც არავითარი აზრი არაა, უნდა შესწორდეს ასე: „და მთავართა მათ ღამე იგი კლდესა მას ზედა განათიეს“.

4. ვიორგი ჩორჩანელი და მისი მხლებლები სერაპიონს უჩვენებენ ერთ ადგილს და სთხოვენ—იქ აშენოს მან მონასტერი; სერაპიონი უარზეა, რითაც გიორგი ძალიან შეწუხებულია. ის ეუბნება მხლებლებს: რა ვწათ, როგორ მოვიქცეთ, რომ სერაპიონმა და მისიანებმა არ მოანდომეს მონასტრის აშენება „ადგილთა მას ზედანავთასა“? ბრჟყალებში ჩასმული სიტყვები ყურადღებას იქცევენ არა მარტო შეუძლებელი გრამატიკული შეთანხმებით, არამედ უაზრობითაც. „ზედანავთასა“ წარმოადგენს რაღაცა გეოგრაფიული სახელწოდების დამახინებას (ადგილთა ზედანავთასა); ვფიქრობ, თავდაპირველად ეწერა „ზანავისათა“. შემდეგი დროის გადამწერმა პირველი მარცვალი სიტყვისა „ზა“ მიიღო ქარაგმით შემოკლებულ „ზედა“ სიტყვად, ხოლო დარჩენილი გაუგებარი „ნავისათა“ გადააკეთა „ნავთასა“-დ. აյ რომ „ზანავი“ იგულისხმება, მუღავნდება იმითაც, რომ ზანავში მართლაც ჩას მონასტერი, სადაც გიორგი დაიმარხა. გიორგის, უნდა ვიფიქროთ, სურვილი ჰქონია ზანავში მონასტრის აშენებისა, და, რადგანაც სერაპიონმა მას ის სურვილი არ შეუსრულა, მერე ამასპოს და ქურდის ააგებინა იქ სავანე, რომელიც, მისი სიკვდილის შემდეგ, განუახლებია მისი საბრძანებლის მემკვიდრეს მის დას ლატავრი-თეკლას.

5. ვიორგი ჩორჩანელმა უბრძანა სერაპიონსა და მის მხლებლებს, „რათა მოიძიონ ადგილისა და პნებას აღშენებად ეკლესიად“. თავდაპირველად იქნებოდა „მოიძიონ ადგილი, სადა პნებას აღშენებად ეკლესიად“; შემდეგი დროის გადამწერთ სიტყვა „სადა“ გაუყვიათ ორ ნაწილად, პირველი „სა“ მიუკერებიათ სიტყვისათვის „ადგილი“ და მიუღიათ „ადგილისა“, „და“ კი დარჩენილა კავშირად, აქედან წარმომდგარა სრული უაზრობა.

6. სერაპიონი, მიქელ პარეხელიდან გამობრუნებული, გამოივლის ოპიზის მონასტერში, სადაც იმ დროს რაღაც მშენებლობა მიღიოდა. ხელნაწერში გადმოცემულია: ერთხელ სერაპიონი იდგა „ხუროთა თანა საეკლესიოთა“, რადგანაც ის „იყო სხუათავე თანა სათნოებათა მეცნიერ სჯულთა საეკლესიოთა და ფრიალ შემკულ წესითა ხუცობისა-ხთა“. სრულიად გაუგებარია დაკავშირება ამ ორი ფაქტისა: სერაპიონი დგას „ხუროთა თანა საეკლესიოთა“, რადგანაც ის მცოდნეა „სჯულთა საეკლესიოთა“, თითქოს საეკლესიო კანონებისა, და შემკულია „წესითა ხუცობისახთა“. ის რომ მდგარიყო ხუცებთან და სჯულის მოძღვრებთან, ყველაფერი გასაგები იქნებოდა, მაგრამ რა კავშირი აქვს მის ხუცობასა და სჯულთა მცოდნეობას „ხუროებთან“? უაჭველია ეს ადგილი დამახინებულია შემდეგი დროის გადამწერთა ხელში;

თავდაპირველად იქნებოდა: „იყო მეცნიერ სჯულთა საეკლესიოთა [შენებისათა] და ფრიად შემკულ წესითა ხუროობისათა“, ეს იგი ხუროთა პროფესიის ცოდნით („ხუროობისათა“, რომელიც, შეიძლება, შემძლებითაც იყო დაწერილი, წაჟავითხავთ როგორც „ხურობისათა“)¹⁹. ამ შემთხვევაში წინადადებას ასეთი აზრი ექნებოდა: სერაპიონი იდგა „ხუროთა თანა საეკლესიოთა“ იმიტომ, რომ მას რაღაც საერთო ჰქონდა მათთან, ის იყო მცოდნე საეკლესიო მშენებლობის კანონებისა და „ხუროობის“ წესისა. მართლაც, სერაპიონს, რომელსაც ამ დროისათვის დამთავრებული ჰქონდა საჟუთარი სამონასტრო ეჭლესის შენება, შეეძლო საქმაოდ გაეცნო ხუროთმოძღვრების წესი და სჯული და კომპეტენტური გამხდარიყო რამდენადმე ამ დარგშიაც.

7. დამახარებათა კატეგორიაში უნდა მოქცეულ იქნეს ე. წ. დიფ-თოვგრაფიული შეცდომები, — ერთისა და იმავე წინადადებისა და სიტყვის გამეორება. ასე, მაგალითად, გამეორებულია „მწყემსისაც“ და „და აწ“-ს შუა: „და აწ გულისკმის ყოფა და ბაძვად დიდისა მოძღვრისა და მწყემსისაც“. ბ) „რომელთა მიგუემართა“-ს შემდეგ „რამეთუ გუცტყოდეს, რათა დავაცადოთ“. გ) „და ყოველთა ალიტყუელნეს კელნი“ — „და ყოველთა“ ორჯერაა დაწერილი. დ) „ყოველთა გუელმოდა მის თანა“ — „ყოველთა“ ორჯერაა. 8 ერთი და იგივე სიტყვა სხვადასხვანაირად იქნება, მაგალ.: „განთენნა“, „განთენდა“ „განჩაოთენა“, „განთვენა“, გამოცემაში მიღებულია უკანასკნელი ფორმა — განთენა.

ფონეტიკა. ფონეტიკის მხრივ უნდა აღინიშნოს შემდეგი გარემოება:

ა. ხელნაწერი ზოგს შემთხვევაში გვაძლევს: იყოფოდა, შეურდა, ეგულების, იოანე, ჰელუა, გულისკმა (და აქედან წარმომდგარ სხვა ფორმებს), ზოგს შემთხვევაში კი — იყოფვოდა, შეურდა, ეგულვების, იოვანე, ჰელუა, გულისხმა; გამოცემაში ყველგან მეორე ფორმაა ნახმარი აღნიშნული სიტყვებისა.

ბ. პირველი პირი ზმნებისა „გვ“ სისტემატურად იწერება როგორც „გუ“, მაგალითად: გუაიძულებ, გუყვენით, გურწმს, გუკითხვიდა და

¹⁹ „ხურო“, აქედან „ხუროობა“, ისე, როგორც მაგ., კალო—კალოობა, გემო—გემოობა (ვისრამიანი, გვ. 78), კუბო—მეკუბოობა (ვისრამიანი, გვ. 51) და სხვ მე-X საჟკ. ძეგლში, რომელსაც „წარტყენენა იერუსალიმისაც“ ეწოდება, დამოწმებულია „ხუროება“: „რაა ხუროებად იცით“, „კელვანი ხუროებითა განაჩინენს“ (ნ. მარის გამ., გვ. ით, 5—7), მაგრამ ეს უფრო ხელოგნური წარმოება უნდა იყოს. თუ სიტყვა „ხურო“ უცხო წარმომობისა, მაშინ, ჩვენ, შესაძლოა გვიონდა ფორმა „ხურობა“ (რაც უფრო აღვილად გადაკეთდებოდა „ხურობა“-დ), როგორც მაგალ., ელექტრო-ელექტრობა, ლვინო—ლვინობისთვე და სხვა.

ხომ არ აქვს რამე კავშირი ტერმინთა „ხუცეს-გალატოზი“? (E. Такаши Швили, Археолог. экспедиции, разыскания и заметки, IV, с. 83).

სხვ.; ეს ფორმა გამოცემაში უცვლელადაა დატოვებული (უ-ს შემდეგ: იძლევა კ-ს, მაგალ., გვხილნეს, გვკრდა, მოგვგეს, შეგვპყრნა).

გ. კომპლექსები „უც“ და კ(=უ) სისტემატურად დაცულია ხელნაწერში; პირველს გამოცემაში ვწერთ „უ“-დ, ხოლო, თანახმად მეორესა, სერაპიონის მამის სახელს, რომელიც „კვიპრიანე“-დ არის დაწერილი, „კვპრიანე“-დ ვიღებთ.

დ. სიტყვებში: „ვინაჲ, ვინაჲცა, ვინაჲთვან, უფროდსლა“ ხელნაწერი ჟ-ს არ ხმარობს.

ე. უფრო საყურადღებოა ე-ს ხმარება ძეგლში. ძალიან იშვიათად ვხვდებით მას ბრუნვებში იქ, საღაც საჭიროა, სამაგიეროდ იმით რბილდება ხმოვნები, უფრო კი ა., როგორც სახელებში, ისე ზმებში: სა ა ხ ლ ე ბ ი: გარბავნელი, კურნებავნი, ნეტარებავნი, საღმრთო-ხნი, გარეგან ჭეშმარიტებისაა, სიტყუათა, საკვრველებათასა (ნათესავ.), ტყუეთა, ბრძანებათა, ნეტარებასა, უამთად ამათ ჩუენთა, ეგულვების სიტყუასა, ბრძანებასა საღმრთოსა, ქუეყანასა ჟედა, აღგილსა რომელსაცაც იყვნეს, მისთანაც წარიყვანა, ტბასა ამას, გონებასა მას, შეუვრდეს წმიდასაც და სხვ. ზ მ ნ ე ბ ი: უპყრად, შენებადდ, ყოვნებადდ, გმობადდ, ცნად, განიხარად, ენებად, გვკრდად და სხვ. შეძლება, აქ რომელიმე დიალექტურ მოვლენასთან გვქონდეს საქმე, მაგრამ გამოცემაში ასეთი მოვლენები აბსოლუტურად უარყოფილია.

ვ. ოხზულებაში ხშირად იხმარება „რად“ ორი მნიშვნელობით: როგორც ნაცვალსახელი, მაგალ., „რად ჯერ არს ყოფად“, და როგორც ზმის დანართი „ვითარცა, რაუამს, როდესაც“ აზრით. მაგალითად: „შვენა რად სამნი ესე ნაშობნი“, „ალაშვენა რად“, „წარემოქმართნეს რად“, „ეუწყა რად“ და სხვ. არის შემთხვევა, როდესაც „რად“-ს მაგიერ „ვითარცა“ იხმარება, მაგალ., „ვითარცა მივიდა მდინარესა მას“, „ვითარცა გულისხმა ყვეს“, მაგრამ ასეთი შემთხვევა შედარებით იშვიათია, უფრო ხშირად, თითქმის სისტემატურად „რად“ იხმარება. პირველს შემთხვევაში კ თავის აღილასაა და ამიტომ, რასაკვირველია, გამოცემაშიც დატოვებულია. არ შეიძლება იმის თქმა, რომ მეორე შემთხვევაში ის უადგილო იყო, მას ჩვენ ვხვდებით სხვა, ძველი დროის, ძეგლებშიაც (მაგ. გრიგოლ ხანძთელის „ცხოვრება“), მაგრამ, მიუხედავად ამისა, გამოცემაში ის ყველგან უარყოფილია შემდეგი მოსაზრებით: რაც უფრო ძეგლია ძეგლი, მით უფრო ნაკლებია მასში შემთხვევა ზმებთან ასეთი დანართის ხმარებისა, რაც უფრო ახალია ძეგლი, მით უფრო ხშირია ასეთი შემთხვევა, მაგრამ „რა“ და არა „რად“ ფორმით. სისტემატური ხმარება მისი ჩვენს ძეგლში უნდა მიიღიჩნიოთ არა ბასილ ზარზელის, არამედ მეტაფრასტის საქმედ და დაბოლოება მისი ჟ-თი უნდა იყოს ტენდენცია ხმოვნების ჟ-თი შერბილებისა. რომელიც, ზემოთ აღვნიშნე (ჭ ე).

მორფოლოგია. ამ მხრივ ყურადღებას იქცევს ქეგლში:

ა. არაკანონიერი შეთანხმება ზმნისა და სახელისა, საზღვრულისა და მსაზღვრელისა, მაგალითად: „ამისი ესევითარითა“, „„ჰენებავს ადგილისა მის (—სად?) აღშენებად მონასტერი“, „მთასა... აღძრულინი“. „უფალსა დაბისასა... მათ არა ინებეს“, „სანახებსა ჩირჩანისათა“, „დაყოვნებულთა აღმოშობილნი“, „მოიკითხნა წმიდად“, „„ამბორს უყოფდა ფერქთა მის წმიდათასა“, „განკვრვებით (—რა?) დაცა“ „შენდობად იყავნ პირველი ცოომად შენი“, „ახალთა მათ ხუროთმოძღვარსა“, „ყოვლად სანატრელნი სული“, „სიკუდილისაცა (—როდის?) ცხოველ არს“, „მონასტრისა მის (—რას?) შეეძინებოდა“, „საშახურსა მონასტრისათა“ და სხვ.

ბ. განსაკუთრებით მოიკოჭლებს ქეგლში ჯ-ს მორფოლოგიური გამოყენება; იშვიათია ისეთი შემთხვევა, რომ ე თავის ადგილას იყოს (მაგალით, „აღმომდინარისა წყაროსა, ბაძეა მწყემსისა, სახელითა მამისათა, დედაც ამის ნეტარისა, მამაცა ამათ ნეტართად, სიღრმით სულისათ, კურნებანი იქმნებოდეს საღმრთოსაგან მაღლისა წმიდათა მათ მთავარანგელოზთასა“ და სხვ.). თუ სადმე აღმოჩნდება ის თავის ადგილას, არა ნორმის შეგნების კარნახით, არამედ როგორც შედეგი ჯ-თი ხმოვნების შერბილების ტენდენციისა, რომლის შესახებ ფონეტიკაში გვქონდა ლაპარაკი (§ ე). გამოცემაში ნორმა უსიტყვოდაა აღდგენილი ისე, რომ ე []. შიაც კი არაა ჩასმული.

გ. სრულიად უგულვებელყოფილია ნორმები ჯ-ს ხმარებისა როგორც მეორე პირის სუბიექტურის და მესამე პირის ობიექტური პრეფიქსისა; გამოცემაში ანომალიები ამ მხრივ შესწორებულია, ხოლო ნორმები აღდგენილია.

სინტაქსი. ხელნაწერში ყურადღებას იქცევს თავისებური შეთანხმება მთავარი და დამოკიდებული წინადაღებისა თოხი სიტყვით: ხოლო, და, ვითარცა, ამისთვე.

ხოლო: „აღეშნა რა წმიდად და ღილი უდაბნოდ ობიზად, ხოლო ამისა შემდგომად მოვიდა მუნით“; „ეუწყა რა უფალსა მის დაბისასა, ხოლო მათ არ ინებეს“; „და ვითარცა მრავალგზის გუვვედრებოდა კაცი იგი, ხოლო წმიდამან მან კეთილად მიითუალა“; „მირაიწინეს ადგილსა მას, ხოლო ცნეს“; „და ვითარცა ვკითხევდით თუ რამე იყო კმად ესე და ძრვად, ხოლო ამათ მოგვეს“; „ვითარცა მივიდეს ხევსა ყუელისასა, ხოლო იქმნა რამე მუნცა“.

და: „მორაეგო გონებასა წმიდად იგი, და მოუხდა წმიდათა მათ“; „მოწაფენი ვართ მიქელ პარეხელისანი და მის მიერ წარმოვლენილნი, და რათა ადგილსა ამას აღვაშენოთ“ მონასტერი; „ხოლო ცნეს რა წმიდათა მათ, და მყის წინამოეგებნეს“; „და ვითარცა მიიწინეს ადგილსა მას, და კუალადცა ეტყოდა მათ მთავარი“ და სხვა მრავალი.

ვითარცა: „აღაგზნეს ცეცხლი და ვითარცა აღკდა კუამლი დიდძალი, ხოლო ვითარცა ცნა გიორგი მაწყუერელმან“.

ამისთვის „ხოლო რაუამს ვიხილე საფლავი მისი ადგილსა ფარულსა, ამისთვის ცა ბრძანებითა უფალთავთა წელვყავ“.

ასეთი შეთანხმებანი, რომელშიაც, შეიძლება, დიალექტურ მოვლენასთანაც გვქონდეს საქმე, იმდენად არაჩვეულებრივია ლიტერატურაში, ძველი იქნება ის, საშუალო თუ ახალი, რომ საჭიროდ დავინახე გამოცემაში მათი შესწორება ხაზგასმული სიტყვების გამოგდებით.

ზემოჩამოთვლილი თავისებურებანი და ანომალიები ტექსტისა არამც თუ ბასილ ზარზმელს, მე-11 საუკუნის მეტაფრასტსაც არ უკლოვნის, ისინი შედეგია, უმეტეს შემთხვევაში, საუკუნეთა განმავლობაში წარმოებული გადაწერისა. გაუგებრობის თავიდან ასაცალებლად, უარყოფილი და შესწორებული ადგილები შენიშვნებშია ჩამოტანილი.

შეუსწორებლად დავტოვე ასეთი კონსტრუქცია: „ხოლო წმიდამ ვი, ვითარცა იყო უცხო ზუაობისაგან, მიუგო და ჰრქუა მათ“ ვინაიდან ანალოგიური მოვლენა სხვა ძეგლებშიც გვხვდება.*